

Written by TSHIYIWE GONGONGWE AND CLAPPERTON T MUNGOFA

Printed by DJ RICCO

[03/23, 8:56 AM] +27 74 404 6521: Kufa kwemurume kubuda ura.

A collaboration by Clapperton Mungofa and Tshiyiwe (Meme) GONDONGWE

Ndainge zvangu ndakarara nemaji pakasingle bed kandakapihwa nemumwe murungu wandaishandira ainzi Gerth.Ndakarara kudaro ndainzwa mashoko ambuya vangu achiunga munzeve dzangu vachiti"Tadiwa muzukuru,wotoshinga semurume ini ndangove hari yofanzirofa,ndiwe watove baba vemusha,hupenyu hwakaoma".misodzi yangu yakatanga kungoerera yega nematama isina anopukuta.Chokwadi gogo vangu ndanga ndavasuwu,vainzi gogo Manera,asi vaidanwa kunzi aDhehwa nekuti vaiera moyo.Gogo vangu ndaivada ivavo nekuti ndiye munhu wandaiziva anondida pasi rese,ndikafunga pakukura kwangu kwese vachienda kumaricho kuti ndikwanise kuenda kuchikoro nekuwanawo chekupfeka.Dzese idzi dzaingove ndangariro dzekwandainge ndabva nako nekwandakafamba kusvika ndisvike pandiri nhasi.Ndirimo hangu muguta ravanodana kuti Mother City umu,Cape Town mune kamwe kalocation kavanoti Kraaifontein asi taikadana kuti Kraaisdale.

Tsaona yakatora mhuri yedu yakasiya vanga raisadzimika. Family yedu yaive yatokura izvo zvaigarofadza mbuya vangu nokuti vaive vangobereka baba vangu bedzi zai regondo. Amai vangu paakaroowa vakauya vakabara vana sevakagarwa nemweya chaiko. Vakatanga neni Tadiwa ndaive dangwe, kotevera Takudzwa naTakunda aive matwins. Vakazoomesa vanhu mate mukanwa pavakaita matripplets vasikana. Patime yavakashaike hanzvadzi dzangu idzi dzaive dzotokwanisa mai 8months, kozoti Takudzwa naTakundawo vaive vane 3years 8months. Ini ndaive ndatove kajaya chaiko kaitumika ndaitovavarira 7 years. Isusu kumba kwedu taipinda church ye Zion Zcc . Kumusha kwedu kuChivhu kumaruzevha muvillage rekwaMaburutse. Town yedu yaive iyoyi yekumbonetsa nemadhara egonyeti. Taingovaona hedu ko isu taive nedhiri rei isu tirihono. Vaitoda hanzvadzi dzedu idzi dzerudo . Sevanhu vaipinda ZCC vana mudhara vakaenda kumusangano wavo kuDefe. Ini ndakasara naGogo sezvo tainzwanana. Mama vangu vaitozviziva kuti Tadiwa haaendeki naye anywhere kana musina kutomuba akarara. Pandakanzi hande kuchechi ndakatiza ndikanokwira mumuti ndokuti zii ndirimo zvangu. Amai vakatodeedzeera kutodii kusvikira varamwa ndokusiyana nazvo. Vakakatanura hembe dzangu kubva mubag ravaive varongedzera ndokusiiira gogo vangu. Ndakazodzika mumuti ndaona vanhu vasenga mitundu yavo vakananga kustation kuti vachinorukaka rwendo rwekuDefe. Ndakasvika kumba gogo vakada kumbopopota asi ndakangoti nechemumoyo "hazvina basa izvo chikuru ndasara". Ndaifarira zvaibikwa naGogo vangu ini ,dai vakati vanoenda kumusangano wechечи ndaiendawo. Vaiti vakabika muriwo unedoviso vourega wotsvira ivo vaizoti ronzi gwatsvira ummm ndainakirwa kani ndainanzva maoko. Gogo vaifarira kubikira muhari ndofunga ndosaka zvinhu zvavo zvainaka kudaro. Ndogara ndichisekwa neshamwari yangu wandinoshanda naye kuno kuCapetown nguva dzose dzandinotaura zvekuti ndoda kutenga chihadyana changu.

Vana mama vakakwira kombi yavo zvakanaka naka votenuka vakananga kuDefe. Sevanhu vakangozadza mota vari vechечи voga ngoma yaidamburwa haikona zvekutamba. Vanhu vaiimba ivavo zvekuti driver aingosekerera hake ega. Vatodarika Kwekwe vakupinda paroad yekuenda Kadoma driver haana kuona gonyeti raibva kuright side kwake. Akangokaruka vanhu yave mhere ndokushaya control ndiye pfee

mugonyeti. Baba vangu nemhuri yavo vaive vakaga kumasure sevanhu vaive negurusvusvu revana. Gonyeti rakanorova kombi iya nechepakati payo zvichidzoka kumashure kwese uku. Team rese raive kumashure hapana akambopfakanyika pakangosara driver nepassanger one yaive mberi kufront seat. Pakateuka ropa ipapo zvakasiririsa. Ndokuparara kwakaita mhuri yedu ndokusara tangotarisa naGogo vangu tiri vaviri. Sekuti vainzi vakangoenda Wenera ndokutochonerako hapana akazombonzwa nezvavo. Gogo vakazodzoka kumusha kwavo kuChivhu kubva kuMhondoro kwaive nehama dzedu dzese. Vakadzingwa nehama dzasekuru nokuti vakaramba kugarwa nhaka. Vaiti handingagarwi nhaka yemhunhu watisina kuona kufa kwake uye paakavigwa. Gogo vakazouya ndokugara saMazakela havo kumusha kwavo pazvimararound hut zvavo zvitatu nemwana wavo James uyo anova baba vangu. Ndaiti ndikatarisa midhadhadha yemarinda aive pamba pedu ndairwadziwa zvakanyanya dai number yevanhu vakasara iri iyo hayo yakaenda kwamupfiga nebwe. Ndorangerira Gogo vangu vachiti kuna mama vangu "mai Tadii ndonzwa kufara kana ndichinanairwa nevazukuru vangu kudai. Nhamo yekusiiwa natezvava vako ndakatoikanganwa nokuti ndakungovaonera pamajaya awakarugudura aya". Pakazvarwa hanzvadzi dzangu dzemuwando idzi dzakazoita idzo dzekupedzisira gogo vakaburitsa mombe yavo mudanga yekungonopa vanatezvava vababa. Yaive yekutenda kubara kwaiita amai vangu nekukudza mhuri.

Upenyu hwaive hwagara hwakatiomei vana baba vachiri vapenyu asi zvaive nani pane zvatakazosara tave. Baba vairima nekuita mabasa akasiyana siyana kuti tiwane chekudya. Zvino muti wekuhwanda zuva wainge watemwa tangosara pamhenhe kuita hwezvihukwana zvadyirwa amai vazvo negora. Magariro atete vanenge vakadzoka kumurume mongoaziva imi. Vakadzi vehanzvadzi dzagogo vaisada kutiona kana nepadiki pese zvaitosiririsa chaizvo. Ndaiti ndikaenda kunotamba nevana vavo zviya pakabikwa chikafu ndainzi imboenda kumba ugozodzoka ungazomedzere vana vedu mate vakadzipwa.

End of chapter 1

[03/23, 8:56 AM] +27 74 404 6521: Kufa kwemurume kubuda ura.

A collaboration by Clapperton Mungofa and Tshiyiwe (Meme)GONDONGWE

Chapter 2

Chiri mumusaka saka chinozvanzwira,zvinhu zvaive zvakatiomera.Nhamo inorova zvekuti unosvika pakudemba kuti asi nhai Mwari ko isu tega tega tisu tadii nhai.Gogo vangu vaive munhu akashinga,zvaivaremera uye zvaive zvasangana nekukura asi she was a hustler.Hapana patairara nenzara hedu. Paive pasina zviya zvekuti munhu anosarudza chikafu. Taingoita chamuka inyama inga zvakazonzi a begger is not chooser. Taidyira kuzadza dumbu chete kuti tiwane kumwa mvura. Mikiriwani iya inoshainirwa nevanhu vachipa mombe isu taitoiita staple food. Kutotedza minda yevanhu tichitakura nemasaga toungeidza pamba.

Ndakakurumidza kugona mabasa aisaenderana nezera rangu. Nezera rangu iroro ndaitofudza mombe dzeraini rese pasina kana inorasika.Ndaiti zuva rorereka ndainhonga nhonga twutsotso tweekusvikawo ndakatakura kumba,zvekutendwa ndaizvidawo kani.Ndichinzwa gogo vachiuchira nekudetemba mutupo wangu ndaibva ndamera zenze remanyemwe,wainzwa voti,"maita Mhazi,maita baba muriritiri wangu

zviwedzerwe namangwana."Shungu dzainge dziri pakubetsera chembere yangu iyi. Chimwe chaizonyanyondibata kudemba kwaizoita gogo vangu. Waiona voeredza musodzi umwe kuziso ravo rekwaleft. Vaiedza kuvharidzira kushushikana kwavo nekundiitira ngano nenyambo asi waingoona wega kuti chiso hachina kunyevenuka sezvachaive pataive tichiri a big family. Hamawe kutambura usina hama kunonzwisika pane kuti dzaunoti hama ndidzo dzinenge dziri pamberi kutokuwachisa nekukufinhura.Ndinorangarira gogo vachitsvinyirwa neumwe mudzimai wasekuru vachinzi,"Vatete nhamo yazokusvuurai manje,muchatogumisira magocha chimuzukuru chenye pamoto mashaya chekubika". Sevakadzi vehanzvadzi dzagogo vaiita sevaifurirana apa ngavawande six against one. Vaiita sevakazvarwa nemunhu umwe. Vaive neutsinye hwavaisavanza chero pakaita vaenzi. Vana vavo vaisatenderwa kuuya kumba kwedu vainzi munonorairwa chii nemunhu akasemiwa nemurume akatiza. Kungoti munhu mutema haungamugoni ,nezera raive rave nagogo vangu zvaisaita kuti vagare vachingoudzwa zvasekuru. Ivo raini rese ndivo vaive vatanga nekudzoka here. Hapana musha usina bhonzu veduwee kungozvinetsa kuya kusagamuchira situation yamunenge munayo mumhuri. Hamawe,usatsvinyire wekwako nekuti hauzivi kutonga kwaMwari. Vana maiguru vaGogo vaivhairaka nekuti vana sekuru vaishanda. Hanzvadzi dzagogo dzairatidza kuti dzaifarira hanzvadzi dzayo asi iyoyi yekugara kure vaisakwanisa kuona zvaitika pamba. Munhu ane hutsinye hamheno kuti anofunga seri. Zvirinani uvenge munhu nezvese zviripaari. Vana gogo vaifarira kundituma kureva kuti simba rangu ndoravaida. Ndaidaidzwa kunochera mvura apa vana vavo varipo. Chero wabva kuvaitira basa chikafu vaisapa havo. Gogo vaitozviziva vaingoparapatika vototsvaka chekubika kuti tidye.

Nguva yangu yekuenda kuchikoro yakazosvikawo asi zvaive zvakaoma kudaro. Vana mbuya vaitoseka kuti kuchikoro ikoko kuchaendwa kwakapfekwa chii. Gogo vakatombonzi "regai gora rigare pamba iro kuchikoro uko anonoburei plus mari yacho moiwanepi? Gogo vakangoti "Mwari ndivo vanochengeta nekuti handingatamburi kufunga ramangwana iye muridzi wedu aripo. Zvese ndozviisa mumaoko anyadenga". Vaiti vakataura kudaro vana maiguru vavo vaibva vasekera svoto chaiyo. Samai Simba vaive ivo vakuru vaitobva vati "dai Mwari wacho achikunzwi maidei makatizwa here plus vanhu vanonamata vanofa vachienda kucheche haha tibvirei zvedu musiye Mwari out of your cursed life". Kuchikoro kwaiti kuchitaurwa nevana vehanzvadzi dzagogo waiti pamwe vari kuNyuvhesi kwakarehwa navaya sabhuku.

Paimbouya zvinana Care neConcern ndopataimboraramira. Taitombodyawo chikafu chiri nanai zvekuti taitomboputunukawo. Chaizonyanya kubhowa ndechekuti taisava nekey yekukiisa dzimba dzedu. Vana mbuya vaingoti tikabva pamba vaisara vachipinda mumba voba zvese zvekudya zvinenge zviripo. Gogo vaisabvunza zvavo asi vaishungurudzika chaizvo. Chaizonyanya kubhowa ndechekuti vana sekuru vaitumira zvinhu zvekuti tibatsirikane asi kwazvaisvikira kwacho ndoaive ma1. Gogo vaingozonezwa vobvunzwa nana sekuru kuti zvinhu zvenyu makazviona here, apa semunhu aisada zvekutaura vaingobvuma havo ko vaisada kukonanis mhuri dzehanzvadzi dzavo. Vaitoty kuzonzi zireturn solder rino rwisanisa. Pamwe dai vaitaura tingadai takakurumidza kubva mumadhaka ese iwaya ataive.

End of chapter 2.

We love you.

[03/23, 8:56 AM] +27 74 404 6521: Kufa kwemurume kubuda ura.

Chapter 4

Muzuva rakatevera racho ndakafuma nyama dzangu dzichirwadza,ndakazvimba zvimba musana wese uyu netsapfu ndakasvuuka magokora nemabvi mushure mekurohwa kwandainge ndaitwa.Pfungwa dzangu dzakabva dzamhanyirawo kufunga gogo vangu nekuti vakanga vasairirwawo vakawa nemanhede.Ndakamhanya kuimba yekubikira ndichiti ndinokuhwidza moto ndozovamutsa kana moto wabatira asi ndakatowana gogo vamuka.Ndakacherechedza chiso chavo ndikaona chakauna una ndikaziva kuti gogo vari kudzimbwa.Ndakavabvunza asi vakangotsika tsika kuti ndinyarare,vaisada kuti ndizvidye moyo.Pavaifamba vaiita kukamhinira ndikangoziva hangu kuti gogo vari kudzimbikana asi vari kuzvishingisa havo.Vakandigadzirira ndikapinda hangu munzira kuenda kuchikoro asi moyo wangu wairwadziwa nezvandasiya kumba kwotiwo nhamo yaive yakatarisana neni mberi kwandaienda uko.

Chikoro chandakawanirwa nzvimbo ichi chaisave kure zvakanyanya nekwataigara isusu.Chainzi icho Mukuruva Primary School,chinova icho chiri muvillage maMutangadura rinova iro village rakaganhurana nerataigara isusu asi taitoyambuka rwizi rwainzi Mutorahuku.Handiziviwo kuti zita iri rakabvawo kupi.Ndakasvika hangu ndokupinda,ndakanga ndakasirawo kusvika.Hana yangu yakatanga kubika manhanga ndichiona machenero anga akaita vana vevamwe,mauniform neshangu zvaiddadisa kwazvo.Ndakangoti hangu nechemumoyo,"Mwari ndimi munoziva henyu ramangwana rangu,ndikundiseiwo muzvidzidzo zvangu ndigozadzikisa zvishuviri zvagogo vangu." Ndaingoona vamwe vana vachinditarisa zvekusema zviya izvi.ndakazooona vana vaana sekuru vachiuya vaine chimwe chikwata chevana ndokusvikondikomberedza vachindisvereredza vachideedzera zvavanoda havo.Ini zvino ndangoti tumbi misodzi ichiyerera neangu matama.Vamwe ndevaidira mavhu vamwe vachitukirira kuti ndosaka mbuya vako vari muroyi.Kana paine chinhu chaindirwadza nekundiitisa hashu kutukirwa gogo vangu.

Dare/bhero rakazorira ndobva vazoparara,ndiye akave Mwari wangu iyeye asi pfungwa dzangu dzaive pakuda kutiza ndidzokere kumba.Asi pfungwa idzodzo dzakazopera pandakaona vadzidzisi vakawanda kusanganisira Mam vaya vekuchurch naHeadmaster.Ndakazofambawo ndikanomirawo paive nevamwe.Takazobva ipapo ndokunopinda mataidzidzira,apo ini mabhuku ndanga ndisina kana chekunyoresa chaicho.Haa imwe nhamo inonhuwa zvekuti chero iwe muridzi wayo unotozvisema wega,zvangu zvanga zvakanyanya ini.

Vamwe vana vakanyora iyo yavanoti content vakapedza ini ndakangogara. Pataive tonyora shona mudzidzisi vakauya ndokubvunza kuti "ko iwe uri passenger here unongouya zvako kuzogara? Ndakuona panyora vamwe content wakangogara iye zvino futi wakangogara asi watumwa kuchikoro? Vabereki vako vanongokusundira kuno usina kana book even mutsoka uri kupadagura chiiko newe nhai? Sumuka tiende kwahead nokuti izvi handizvikwanisi". Takadungamidza tichinosvika kuya vaNyoni vakati "ini uyu muclass yangu handimudi kana muchida kuti adzidze pano muisei muB". Ini ndaive ndongochema zvino ndikati vavengi vakuchizopururudza zvino. Mwari havanyadzisi chokwadi vaTimire vakangosvikoti "regai mwana auye kuB kana ndikawanawo pashoma ndomupawo mabook acho". Pasina chinguva Mam vaye vataipinda

navo Methodist vakabva vapinda ndokutambidza head shangu itsva dzavaive vanditengera. Ndakafara veduwee kuita sendichabata denga. Ndakashaya mazwi ekutenda akaringana ndakangozoti mugare kure nemoto mungatsva. Nhau huru imwe yemabook ndoyaive yasara ndakanzwa Head voti "nhai Mrs Murera ko todii pamabook mwana adzidze nevamwe vaNyoni vatomudzanga muclass mavo muA akutonodzidza muB". Ndopandakatoziva zita ramai Maria ava vaive negirasia. Vakazoti "ndine rimwe hombe risina kunyorwa ndogona kuricheka nepakati otonyorera". Head vakazoti "ko uyu anoshaya zvekushandisa muclass sei vamwe vana vanoshandisa surname seyake vane zvakakwana wani". Mam vaye vekundipa book ndivo vakazotsanangurira head mamariro enyaya.

Pandakaenda kumba mufaro waive wakazara ndaida kunoudza chembere yangu kuti nhasi ndanyora. Ndakasvikoronedzera zvese ko gogo vaitozivazve kuti muzukuru wangu anouya achitaura zvese zvaadzidza. Nepandasimudza ruoko nepandagona hapana chaisara. Vaizowisa chiso kana ndoronedzera kushungurudzwa kwandinenge ndaitwa. Waizonzwa voti " muzukuru vamba rwiyo tiimbe tinamate". Ini kuimba ndaigona gogo vaibva vatsinzinira vachitapirirwa nevoice rangi. Ndakamboseka umwe musiki gogo vati "muzukuru wangu unoimba kudarika Charamba chaiye".

Tiripakati pekutaura nyaya nagogo takanzwa " tisvikewo". Vaive mbuya mai Makanaka mukadzi wehanzvadzi yagogo vekupedzisira. Vakatangira kupopota hanzvi ndaita makuhwa kuchikoro. Ini handina kuziva kuti head pavakataura nyaya yesurname vakatozonyora tsamba vachibvunza vana mbuya kuti sei vaisandibatsirawo nezvekushandisa kuchikoro. Gogo vakaudziswa musiki iwoyo vakanzi "takakuudzai kare kuti mwana uyu ngaagare pamba imi nharo pavava. Iye zvino ave kutinyadzisa kuchikoro uko. Muzukuru wenyu ane makuhwa manje kana muri imi makamutuma kunotaura izvozvo kuchikoro tichapedzerana. Handiti tirikuenda kuna head mangwana". Gogo havana kupindura havo vakangotarisa kuside. Mai Makaa vakabva pamba ndokupesuka vachienda kudzimba dzana maiguru vavo. Obvious kwainotaurwa makukutu ikoko. Ndakanobata maoko agogo vangu ndokutanga kunamata. MWARI BABA VARIKUMUSORO KU.....

End of chapter 4

Watch out for chapter 5

Your Comments & Feedback are greatly appreciated.

[03/23, 8:56 AM] +27 74 404 6521: Kufa kwemurume kubuda ura

A collaboration between Clapperton Mungofa & Tshiyiwe (Meme)GONDONGWE

Chapter 3

Nhamo taive nayo hedu uye kutsvinyirwa taitsvinyirwa hedu asi varipo vamwe vanenge vakaburukirwa nenyasha dzewedenga vane moyo yavo yakanaka ine rudo. Despite the fact yekuti taitambura hedu, gogo vaive munhu aiziva nekuda Mwari. Tisati tadya kana patainorara taitanga tanamata, gogo vaiisa munamato wekuti chero muroyi aitombomira kuita mabasa erima omboteerera achiuchira maoko. Zvekunamata nekuenda kuchurch ndizvo zvainyanya kufinhura madzimbuya angu nekuti pavari hapana kana aitomboziva

musuwo wechurch. Pese pataienda kuchurch nagogo ndainzwa kusununguka nekuti vanhu vekuchurch kwagogo vaive nerudo nesu vaisambotisema, uchipinda pamusiwo waipfuura uchimbundirwa izvi zvaingondipa kamwe kamufaro mumoyo mangu so ko isu hug taidzipihwawo nani hedu. Hama dzaitotivengera kutambura ende vaitoti tinonhuhwa. Kunhuhwa zvese tsvina nenhamo.

Mufunge henyu Mwari varipo vanomusvora asi ariko uye anobata nekutuma vanhu nepakasiyana siyana, dambudziko redu tinotarisa kumuona achifamba nemakumbo achidanidzira kuti, "ndini Mwari wenyu." Vanhu vekuchurch ndivo vaitawo konde konde vachitipawo zvekudya nezvekupfekawo. Mazuva haamire kufamba nekuti mune nhamo ka. Ndaitenge ndatove chikomana chakatogwinyawo wena, nhamo inokuita kuti uve nhinhi or uve iya yavanoti resistant pachirungu. Ndaisarwara rwara zvaiita dzimwe pwere dzezera rangu aiwa, zvedu nagogo zvaitove zvenyasha chaizvo.

Gogo vachionawo kuti zera rangu rekuti nditange chikoro rakanga rakwana, vakangofuma vakandigezesa ndokundikangira maputi ane nzungu ndokuisa muchipepa. Ndakatoshaya kuti gogo vamukira kundigezesa kuseni kwakadai kwakanaka here ndokubva ndavabvunza.

Tadiwa; "Ko nhai gogo mamukira kundigezesa makuseni akadai hindava?"

Gogo; "Tiri kuenda kuchikoro, ndiri kunokutsvagira nzvimbo"

Ipapo hana yangu yakati tibvu ndobva ndashaya zvekupindura, ndakangogona kumedza mate nekutsikitsira pasi. Nezvandaive ndiri handaikodzera kupinda chikoro ini, ndigaye kunosekwa nevamwe vana pamusana penhamo yedu plus idzo mharuparu neman'a andaive nawo.

Gogo vachiona kusuwa kwakasangana nekutya kwandanga ndaita, vakandibata maoko angu vakabva vati, "Muzukuru usazvitarisire pasi nepamusana penhamo yatinayo iyi, enda unodzidza nesimba ugoshanda ugoita doctor. Usateerere zvinotaurwa nevamwe vana." Ndakanzwa kunyevenuka muhana ndikavimbisa gogo kuti ndichaita sekureva kwenyu sezvo zvichinzi kufa kwemurume kubuda ura.

Nzvimbo kuchikoro yaiveko asi chakamboti netsei inyaya yeuniform. Shangu ndaive ndisina zvekare. Headmaster vakadya marasha vakati hapana mwana anodzidza pano asina shangu ko muchimbuzi achapinda sei. Mabook vakabvunzwa kana vaive nawo gogo vakati hatina zvekare. Zvedu zvaiva zvakanyanya kuita semunhu anokumbira fodya moto nebepa zvole. Gogo vakazooka kuti ndikasa actor fast, muzukuru wangu angatoita rovha. Maitiro aHeadmaster aive owedzerwa nekuona meso evanhu. Gogo vakazokumbira kuvaona kuoffice kwavo. Vakasvika vakarondedzera life history yedu kuita sevanoudza mwari. Pakazopinda vamwe Mam vataive topinda navo Methodist ndivo vakazobatsira kukumbira and she promised to buy shoes for me. Takazenge toenda kumethodist nokuti pakashaika vana mai vangu chechi yakamira mira iyoyi. Ndivo vakatakura zvitunha, kutenga macoffin nekuprovider food yakadyiwa. Vakadzi vehanzvadzi dzagogo vakanga vatoti mhuri yedu ichavigwa nemabhanditi. Mwari vakapindira yakatozoita funeral kwete nhamo. Chikafu aive mavhu nemarara, mabox akatengwa ese ariseven hapana vakambovigwa vakabatanidzwa. Head vakazobvuma kuti ndipinde chikoro. Gogo pakagamuchirwa chichemo chavo vakanzi vaizosheedzwa kuchikoro kana chirongwa chemadonor aiendesa vana vanotambura kuchikoro chainzi BEAM chauya. Gogo vakaita short prayer mumoyo ndokubuda kumba.

Gogo vakatanga kuenda kwese kwandaifudzira mombe in other words gogo vaive vave kushanda vachifudza mombe. Semunhu mukuru dzimwe nguva mombe dzaiva nzvenga dzonodya minda yevanhu. Vaitukirirwa vachiudzwa nhamo neuroyi asi ivo vairamba vakazvirereka. Inini ndaitomaker sure kuti kuchingonzi dismiss na 12 o'clock ndotomhanya kumba kunitora mombe kuna gogo. Rimwe zuva

ndakarwadziwa zvekuti ndakademba kuti dai ndaive mukuru ndaidzika munhu sanhu. Ndakawana mwana waSabhuku achizvambura chembere yangu yandaidsa kwazvo hanzi vadyisa mumunda. Vakadzi vehanzvadzi dzavo waitoti "rovai vanodyisa maune ava vaneutsinye". Ndakarwadziwa kusvika ndazopopota zvekuti yakasara yave yangu. Ndakatandaniswa ndikamboedza kukwinya asi hamheno kuti ndakapingwa sei nechitanda. Ndakadonha pasi ndikangozonzwa ave mazishamhu kumusana uku. Ndakazvambaradzwa kwete zvemafunnies. Gogo vakauya vakapfugama ndokukumbira ruregerero ,vakasiya vasundidzirwa kure ndokudonha nemanhede. Gogo vangu vaisachema nhando pese pavairohwa havana kana kumboti hii. I think shungu vaipedzera kumombe. Ndakazodzitora mombe ndokuti gogo endai kumba apa mumoyo ndaitogaya kurega chikoro chacho ndifudze mombe kana ndadyisa ndotiza pane kuti gogo vasingagone kutiza vagare vachirohwa.

End of chapter 3.

[03/23, 8:56 AM] +27 74 404 6521: Kufa kwemurume kubuda ura.

Chapter 5

A collaboration by Clapperton Mungofa & Tshiyiwe (Meme)GONDONGWE

074 404 6521

&

084 617 3754

"Mwari Baba varikumusoro kudenga tauyawo pamberi pechigarro chenyu nguva ino,tinokumbira nyasha dzenyu dzinoera dziburukire matiri.Hatina zivo hatina zano asi tinongotarisa kwamuri imi musununguri wedu,nyevenutsaiwo hana dzeavo vanotivenga nekutisema muvape tsitsi nekuregerera.Tinoisa zvose kwamuri nekuti ndimi munoziva ramangwana redu.Komboreraivo gogo vangu,mugondivhurawo njere dzangu muzvidzidzo zvangu..Amen"

Ndapedza ndakabva ndaratidza gogo shangu dzandakanga ndapihwa naMam Marera,vakaratidza kufara chaizvo nezvandanga ndaitirwa izvi.Takazodya hedu kudya kwemanheru ndokubva taenda hedu kunorara.Ndakarara kudaro ndaiita sendiri kurota asi ndaive ndakasvinura.Sezvo misuwo yedu yainge isina key munhu waingosairira wosiya zvakadaro.Ndakanzwa musuwo uchizarurwa zvishoma nezvishoma kuti zvisanzwike,ndakangoramba ndakati favava mumagumbeze mandaive iyo hana ichibandaura ngoma kuri kurova,ndaitonzwa kuti di-di-di apa ndichitikitira.Ndakangoziva kuti zveusiku zviya zvandishanyira nhasi.Pasina nguva ndakaona mvuri remunhu rakasviba kuti nzvii richipinda mumba,ziso ndakangovhura kuti dhwenene asi handina kana kupfakanyika,ndaitotya kana nekufema chaiko.Akapinda mazimumvuri mana ndokubva atanga kufamba achiuya kwandaive ndiri.Nemwenje wemwedzi waiveko ndakanyatsoona kuti zvaive zvimiro zvevanhukadzi asi zviso ndaisazviona.Ndakatanga kumerera,vhudzi richitanga kuti nyau nyau kugotsi uku.Ndichiri mukushushikana kudaro ndakaerekana makumbo adzvanyidzirwa pasi zvine chisimba,mumwe achindigara matunduru umwe achibata maoko umwechete akasara kumusuwo.Ndakazama kurwisa asi hapana kure kwandakasvika,ndakadozama kudandizira asi izwi raisabuda.Ndakatanga kunzwa kunge ndiri kutekenyedzwa pasi petsoka nemuhapwa umu.Ndakanzwa maoko ave kufamba famba achibata bata nhengo dzemuviri wangu.

Izvi zvakatanga kundipedza simba ndikati nhasi pangu pandiperera.

Ndakazofunga ndanga ndangosvikorara ndisina kuisa munamoto wekuti ndirare.Ndakangoerekana ndatanga kunamata ndichidana zita raJesu,nekukarira kubata kwewakaipa aive andishanyira uyu.Ipapo ndakanzwa rimwe simba randisingazivi kuti rabvepi.Ndakavhizura vanhu vachinoti warakata kwakadaro uko ini ndichibva ndamuka pandanga ndirere paya ndichiita zvinoita vanhu vemufirimu,iya yavanoti "chinese wakeup".Pandakazoti bebenu ndakasara ndonzwa yave mitsindo ndikanzwa imbwa dzave kuhukura ndikangoziva kuti chachaya.Gogo vachinzwa izvi vakabva vangomhanyira kuimba kwandairara kuya ndokuwana ndakatomira ndakakunga zvibhakera apa ziya richiteuka semunhu anga achimhanya. Ndakada kurondedzera gogo zvaive zvaitika asi vakati " hope hadzirondedzerwi usiku ngatinamate". Takanamata kusvika mashoko apera. Takazonorara muimba yagogo vachiitira kuti kana paizoita chinotiwira tiite muonera pamwe

Ndakarara zvekungorovera matama pasi but handina kumbobatwa nehope. Ndaingofunga zvandaive ndasangana nazvo ndarara. Ndakazogaya zano rekumukira kudzimba dzhadzhadzi dzagogo. Ndakarangirira zvaive zvataurwa pane umwe mugidhi waive waitwa kwamuvhangeri mazuva ataipinda ZCC. Pamba pamuvhangeri paive parohwa nemheni saka takazoendako tichinoita munamoto wekubvisa mazai aive asiiwa nemheni yacho. Musha wavo waive pedyo nekarwizi mutora huku kataiyambuka tichienda kuchikoro. Maporofita akataura ipapo kuti mukangoona pamba parohwa nemheni vamwe motomhanya kurwizi munhu anenge azviita munomuwana ariko. Ndopakazotaurwawo kuti chero ukashanyirwa nevaroyi husiku ,munhu anenge atanga kuuya mupfungwa dzako soon after the incident unofanira kumukira kumba kwake kuseni seni wonoona kuti anenge achiita sei. Manje ini ndaive ndatomhanyisa pfungwa kare. Ndakangozoti Mwari kana ndafungira zvisiri mundiregerere. Gogowo ndaingonzwa kushanyarika nekutura befu ndikaziva kuti pfungwa dzaive pamujahwo. Chembere yangu yaindinzwisa tsitsi ini.

Kuma 5 ndakangotiverere ,gogo havana kumbondinzwa hope dzinenge dzaive dzazobata. Ndakamhanya ndakananga kwambuya mai Simba. Ndakawana mukitchen muchipfuta moto uye mainzwicka mazwi evanhu vakuru kultura. Imbwa yavo yakabva yatanga kuhukura. Ndakabhowekana nokuti ndaida kutoita kasikiri katsuro kekufamba kachiteerera. Ndakazosvika ndichipinda mumba ndisina kumboknocker. Chakandinetsa ndechekuti vana mbuya vese vari 4 vaivepo pamba apa vakagara vakadziya moto. Hapana akadaira kumhoresa kwandakaita shasha dzaive dzangotarisa pasi. Pasina chinguva vatatu vadiki ava vakaoneka ndokusara nambuya mai Simba avo vakaita nyemwerero yekudzinidzira ndokuti "ko nhai Muzukuru uri kubvepi uye urikuendepi usiku huno". Ndakaita chivindi ipapo ndikati ndoda kugoka hangu moto but apa ndirikubva kunotarisa tsoka dzevanhu vakauya kumba kwedu usiku. Manje ndarasana nadzo paruware apo saka ndaona kuti its better ndibve ndangoita mufamba kamwe nditsvage moto nokuti hatina matches. Mai Simba vakakanuka zvinekutya mukati " aaa saka vanhu vacho unovaziva here, wanyatsovaona here pawavaona kumba kwenyu"? Ndakavati nhai mbuya vanhu vacho havana basa imi ndipei moto chete ndiende. Chakandinetsa pana mbuya mai Simba vairatidza kurohwa nehana. Vakapinda mumba ndokuuya nemacarton maviri ematches ndokundipa. Mwana wani kupa isu matches 20 maybe vaiitira kuti ndisazomukira futi kumba kwavo. Ndakaoneka hangu ndavekutobuda pamusiwo ndakanzwa "uti hanzi mamukasei kuna gogo. Ooo ndange ndakanganwa huya utore bandauko rembudzi mugodya nagogo". Ndakapererwa ini waive wabvepi moyochena wakadai.

Ndichisvika kumba gogo vakatoshamisika apa vaive vakutotambura kuti ndaivepi. Ndakavapa parcel dzavo

,vakamboda kuramba havo asi vakazotenda. Ndakavarondedzera zvaive zvaitika usiku zvese nekuzoenda kwana mai Simba. Gogo vaitya veduwe vakatoti " dai wandiudza kuti waakuendako ndaikurambidza, muzukuru kurwa ndekwamwari usazviita futi". Ndakavakumbira ruregerero gogo ndikatomhanya kunogeza kuti ndiende kuchikoro.

Ndakaenda kuchikoro zvakanaka nguva padzaive dzakusvika kuma10 ndakatanga kunzwa hope. Hope dzamadeko dzaive dzachizouya dzese. Ko ndaitadza nei kurara ini ndaive ndisina kurara kwacho husiku nekuda kwevaroyi. Sir vakafunga kuti pamwe ndavekurwara nokuti ndaisamborara ini. Vakanosheedza Hezel gotwe ramai Simba aiita grade 4. Paakavhunzwa kuti asi ndairwara here sezvo ndairara kudaro. Ivo vaitoda kuti andiperekedze kumba. Iye akatoti "aa sir uyu kurara kudai i hope dzekurara vachiroya nambuya vake". Ndakapererwa veduwe ndikatanga kuchema zvine shungu mukati. Sir vakangondibata ruoko ndokuenda neni kuoffice kwavo. Apa masekero akaita vamwe vana vechikoro ,ndakaita usvereredzwa chaiko.Tiri munzira kudaro ndaingotya kuti nhasi hangu ndichaendeswa kwaHead futi.Takapinda muoffice muya ndobva vagara pachigaro chavo ini ndokusara ndakamira paya.Vakamboita chinguva vakanditarisa vakabata shaya vasingabwairi.Kutya kwakabva kwawedzera,ndobva ndatsikitsira hangu pasi ndichidedera.Zvandakazosanganidzana nazvo pandakasimudza musoro zvakabva zvandishaisa mano.Ndakaona Sir vangu ava vakangosticker asi vachibuditsa misodzi isina aipukuta.

End of chapter 5

Ngatinzwei kuti chii chaichemedza Sir ava muChapter inotevera..**Watch Out For Chapter 6.**

****The Lord Is My Shepherd,I Shall Not Want****

Thanks

[03/23, 8:57 AM] +27 74 404 6521: KUFA KWEMURUME KUBUDA URA.

A collaboration by Tshiyiwe (Meme) GONDONGWE

AND

Clapperton Mungofa.

084 617 3754

074 404 6521

Chapter 6

Pakapera chinguvana Sir vangu ava vakangodzvondora maziso vakanditarisa,apa misodzi ichingoerera.Vanga vakaita kuvhura ziso,zvekuyeverwa semhembwe irikuyeverwa nemavara eshato.Vakazongoti bebenu vachiona bhuku raive pamberi pavo ratonyorova nemisodzi yavo yaingunodururuka hayo,ndipo pavakazoipukuta.Vakatanga vagadzirisa pahuro pavo kuti mazwi anyatsobuda.Ini ndainge ndangomira ndapererwa nezvaiitika apa,hana ichingorova. Vakazonditi, "Tadiwa,ndichikuona kudai ndinonzwa tsitsi uye ndinonzwisisa mamiriro akaita hupenyu hwako.Ndinoda ushinge,umire semurume nekuti kufa kwemurume kubuda ura.Ini pandiri pano ndakakura

ndichichengetwa nagogo,mai vamai.Ndiyo yaive hama yangu uye ndivo vakaita kuti ndisvike pandiri pano ndikwanise kuvemudzidzisi nhasi.Hupenyu hwedu hwaisemwa nevazhinji asi ndakashingirira ndiine chinangwa chekuda kuratidza vanhu kuti kuve murombo kana kuve nenhamo hakusi kuremara kwekuti unofa wakangoremara.Kubva nhasi handidi kukuona uchichemedzwa nevamwe vana nekuti vanokutsvinyirai nagogo vako pamusana penhamo yamuinayo.Ini hupenyu hwandakararama hwairwadza.Asi Mwari ndivo vakaita ndisvike pandiri pano,gara uchinamata nguva dzose ungava uri pai Mwari vanokunzwa.Never doubt the power of prayer."Pavakapedza kutaura ndakatombonzwa kurerukirwa nekuvawo netariro yekuzoshandurawo hupenyu hwedu nagogo,ndini ndaitove tariro yemhuri yedu.Ndakazovatenda nemashoko avo makukutu ndobva ndadzokera hangu kune vamwe.Ndakasvikogara panzvimo yangu ndobva ndamboisa munamato ndokuzoenderera hedu nezvidzidzo zvedu.Sezvo chaive Chishanu taikasira kubuda.Ndakabva ndatobuda gedhe repachikoro ndichimhanyira kumba kunotora mombe kuna gogo kuti ndifudze hangu.Takambokurukura hedu zvishoma nagogo vakazobva havo vachiti vachambononga nonga twutsotso.

Ndakazobva apa ndichienda kune rimwe sango randaiwanzofarira kufudzira mombe kumuganhu nemapurazi kwaidanwa kunzi kuChidhaka.Kwaive nedziva raisapera mvura uye mombe ndipo padzaifarira kumwira hadzo mvura,ndiro dziva randaifarira kutuhwina hangu ndiri ndega.Ndakamirira mombe kuti dzipedze kumwa ndobva ndadzitinhira mubani kuti dzifure hadzo imomo ini ndokudzokera kudziva riya kuti ndimbotonhorerwa hangu sezvo zuva raipisa.Ndakakumura hembe dzangu ndokudziisa pamahombe kombe edziva riya ndokubva ndasvetukira mumvura muya.

Ndakatanga hangu kuita zvidobi zvangu ndirimo ndichimbonyudza musoro pasi pemvura,ndomboita manhede.Ndakazoti ndanyudza musoro mumvura ndobva ndagumhana nechimwe chinhu mumvura imomo ndobva ndangofungawo kuti pada ihove.

Ndakazoburitsa musoro panze ndichipukuta mvura kumeso ndichida kutarisa mombe,ndakatuhwina ndichienda kumahombe kombe kwaisanyudza kuti ndikwanise kutarisa mombe ndakatsika pasi,ndisiri kunonyudza.Pandakangoti nditsike pasi kudai,ndakabva ndatsika rimwe zvinhu raitsvedza iro rakabva ravhizuka mumvura imomo zvakabva zvandivhundutsawo ndokubva ndawira kwainyudza kuya.Ndichiri pakuparapatika kudaro ndakanoti buritse musoro ndichipukuta maziso angu nekuti anga azere mvura.Zvandakasanganidzana nazvo zvinotyisa kana kutsanangura,ndainge ndatambira pamuzinda wevaridzi.Raive rino zinyoka ranga rati yangarara pamusoro pemvura richishayawo kwekuenda nekuti ranga ravhundutswawo nekuritsika kwandakanga ndaita.Ndaisigaronzwa nagogo kuti pane shato dzemumvura asi ndanga ndisati ndakambosanganidzana nayo.Ndakazoita hushingi hwekutuhwina ndichibuda imomo,ndakamhanya ndikanomira kwakadaro uko.Zvihembe zvakangosarawo pazvaive zviri ko zvakazombofungwa nani ini ndave kutiza nehwangu hupenyu.Ndakamboita chinguva ndakamira ipapo ndichibvunda nekutya,zvaive pachena kuti ndanga ndatsika nyoka iyi musana wayo.Ko dai zvangu ndakarumwa zvazvinonzi shato yemumvura ine huturu husingaiti,uku kwaive kupona nepaburi retsono chaiko.Ndakatoti gogo handaimbonovaudza nekuti vaizondirambidza kufudza mombe ndega uye kunofudzira kuChidhaka.Kukurukura hunge wapotswa hamawe.Mwari vanotinzwengesa pane dzimwe njodzi dzekuti unoshaya kuti wapabuda sei.Ndakazongoshinga ndikakweva nhumbi dzangu nechimuti chechamboko.Ndakangotarisa mudenga ndikati,"Mazviita henyu Mwari."

Nhamo haibvi pane imwe hama pandakanoti mubani ndakawana ave machira chete mombe dzaenda. Ndakademba ndikatanga kufunga marohwerwe ataive tamboitwa inini nagogo vangu. Makumbo emombe

ndakamateedza ndikaona akananga kuminda yevanhu. Ndakabva ndatoti finish nhasi ndozvambaradzwa ndikazvirega. Ndakamhanya veduwe kusvika chipfuva chopisa. Ndakati ndakusvika kuminda ndakaona munzira makamira mota yairatidza kuti vanhu vacho vaive vatorasika nzira. Ndichisvikapo ndakawana mombe dzese dziri musango dzakayeverwa nemota iya. Vanhu vaye vakazondibvunza nzira vachitoti vaive vanguva vamira vachingoti vaone muridzi wemombe avaratidzewo kwavaida kuenda. Vaive vatorasika nzira yavaida vaitonoiwana kumashops chaiko. Ndakatenda Mwari nechitiko and pandaitoenda kumba ndakaona kuti muminda maive nevanhu chemusi uyu ndairohwa ndikabva chirikumeso. Ndichisvika kumba ndakawana gogo vakutobika havo. Ndakagara pedyo navo tichitaura nyaya tichiseka. Kukuchidzira moto ndaive shasha ,apa ndaiti ndikatumwa ndaimhanya speed yembwa nhatu. Takanzwa panze pachinzi tisvikewo ,izwi ndakaita sendari ziva but raive nekakukarara kekudhakwa. Ndakabuda panze handiti ndini ndaive baba here. Ndakaona sabhuku vachisvika vakaita kufa nekudhakwa. Vakangosvika vachipinda mukitchen maive nagogo. Vakanogara pasaga paive pakagara gogo. Vaingonyebedzera kuzungaira ipapo kuita benzi chairo. Vakatanga kupfimba gogo ndiripo vachingotaura zvinyadzi zvega zvega. Ini ndakanogara pachigara vakwati ndakabata shaya ndichigaya kuti chokwadi life yedu iyi tichachema kunani ivo vakuru venzvimbo vachidai. Shuwa murume mukuru kutohumana hanzi "huya ndikuroore uwane pekudya sadza nechimangoyi chako ichi". Ndakazooka sabhuku vakuda kudzvanyidzira gogo panguva iyoyo ndaisaziva kuti vakuda kurepwa ndakangoti maybe vanoda kuvarova. Ndakatora chituro ndokunorova sabhuku nacho pabendeke. Vakaregedza gogo vangu vakabuda varibara murume mukuru. Gogo vakachema zvaisiririsa ,vakandisweddedza pedyo navo ndokumboita nguva takadaro. Tichakadaro takanzwa tisvikewo futi aaaa nhasi taipunyuka here apa. Tsuroka haiponi rutsva kaviri. Ndakamhanya ndikanovhara door neguyo ndokugara pamusoro paro. Munhu uya akarova rova door katatu ndokuzoti " ndivhurirei sisi ndibaba Simba takanzwa kurerukirwa ndakabvisa guyo sekuru vachibva vapinda.

Semunhu mukuru vakatozviona kuti something is wrong muno mumba. Sekuru takavakwazisa gogo vakarondedzera zvaive zvaitika zvese kuna sekuru. Sekuru vakavimbisa kuzomukira vachienda kwaSabhuku kunovatsiura. Baba Simba vakazoti "sisi muchiona ndauya pano kudai ndisati ndasvika kumba ndasangana nemashoko andibata chaizvo. Ndaburuka pamashops ndikaona Headmaster vakati mwana uyu haana uniform, mabook,school fees. Tete ndakatengera vana vese zvekushandisa kuchikoro. Tete ndagumbuka zvisingaiti. Ndini ndinoshanda ndinonzwa kurwadza asi munhu onzwa usimbe hwekufunga. Sisi ndotorara kuno otherwise I will commit murder. Uyu mwana haana kusiyana nevamwe saka anosarudzirwei". Sekuru vakapopota asi gogo vaingovasimbisa nekuvadzora kuti vasaite noise kumba. Iyo noise haina kumbonaka inoparadzanisa vanhu mufamily. Sekuru vakazowaridzirwa vakarara mukitchen. Kuseni vakamuka vachienda apa vaiti ndigouya kuma8 ndonoenda nevamwe kunotakura grocery ravaive vauya nare. Gogo vakapiwa \$50 nasekuru vakafara vakadzana dzana kajive kekuZCC. Tatigarei takanzwa yave noise kwambuya mai Simba.Gogo ndivo vakatanga kubuda mumba vachimhanya vakananga kumba kwehanzvadzi yavo iniwo ndichiteerawo ndiri munyasi magogo.Ndakashaya kuti gogo nekukura kwavanga vaita uku simba rekumhanya zvekutondisiya kudaro vanga variwanepi.Zvatakasvikosanganidzana nazvo tichipinda pachivanze aive mashura chaiwo.Hembe chena yaive yakapfekwa nasekuru yainge zvino yabvaruka isisaoneke ruvara rwayo nekuda kweropa.Chatisina kuziva ndechekuti raibuda pavari here,asi vaipupira vakabata tsvimbo muruoko vakatanangira mbuya mai Simba avo vainge vangoti rabada pasi,muvhu imomo.Gogo vakamhanyira kunobvutira sekuru tsvimbo iya vachiikandira kwakadaro uko,sekuru vachipopota vachiti regai ndirwuuraye rwumuroyi urwu,munhu wepi asingatende,ane hutsinye.Ndakangozvishayawo ndikangoramba ndimire paya ndapererwa.Ndakazopeputswa nekudanwa

kwandakaitwa nagogo vachiti ndizovabatsira kusumudza mbuya mai Simba.Patakanovasimudza kudai munhu ndokuti rezu rurimi rwatobuda panze.Gogo vakangosimuka ndokubata gotsi.....

End of Chapter 6

**Ngatinzwei muChapter inotevera zvichatora nzvimbo.

**Mbuya mai Simba vafa here.

**Sekuru vakasungwa ndiyani achariritira mhuri iyi,nhamo haibve pane imwe shuwa..

STAY WITH US,WE LOVE YOU.

Like our Facebook page

Meme books

WhatsApp links

Welcome to Meme books 1 <https://chat.whatsapp.com/C4GMb4xPebS5SaAShUADdC>

Welcome to Meme books GRP 2 <https://chat.whatsapp.com/H2Nhk27GAjO0WjKe0qhZka>

Welcome to Meme books 3 <https://chat.whatsapp.com/GrqIhH8NEhQ20GrRqs1EF8>

[03/23, 8:57 AM] +27 74 404 6521: KUFA KWEMURUME KUBUDA URA

.

A collaboration by

Tshiyiwe (Meme)GONDONGWE

&

Clapperton T Mungofa.

084 617 3754

074 404 6521

CHAPTER 7

Chitaurirwa hunyimwa sembare dzegotsi hamawe,chibarirwo changu ndanga ndisati ndamboona munhu akafa,kana kuti munhu anorohwa kusvika pakuti zii akaburitsa rurimi.kkkkk..Gogo vakabararadza imwe mhere yandisina kunzwisisa vachiti kuna sekuru,"hanzvadzi kani watiparira ngozi."Asi sekuru havana kana kutirimuka,vakatofamba vachipinda mumba yekubikira umo mavakanobuda vakabata mugoro uzere nemvura.Vana Hezel,nanaSimba ranga rangove bararamhanya vachiridza mhere.Nembwa nembwa nehuku nekatsi rainge rangove jwee-chwee kuchema vatenzi.

Panorira mhere vanhu havatani kukoromoka vachida kuona kuti chii chiri kutora nzvimbo.

Sekuru baba Simba vakangosvikowodzvorerwa mvura yese iya mumosoro nemuviri wambuya.Ndakaona vopfugama vachiisa twuminwe twuri nechepano pahuro apa ndikatoshaya kuti sekuru vaakuitei futi pamunhu akafa.Vakasimuka zvakare ndokunosimudza mumwe mugoro.Ipapo vanhu vanga vatoungana ungana,vemadziro committee vave kuita basa ravo.Vakadziny'ina vavo ndivo vakangosvika nekuipovora

mhere asi hakuna kure kwavakasvika vanyararidzwa naSekuru.

Wakadirwa zvekare wechipiri imwe mvura ichipinda nemumukanwa umu.Chiriporipotyo takangoona munhu achimuka zviya zvinoitwa naUndertaker wemuWrestling.Maziso anga achiti hweru kuchena,ropa rakasangana nemvura richichururuka kubva mumukanwa.Mbuya maiSimba vakacheuka cheuka vachiona vanhu vakangoti chuchururu kumira vakavaunganira.Ndakaona kuti munhu uyu pfungwa dzainge dzichiri dzakataika kunyanya pavakazobvunza kuti mapfigira mombe zvakanaka here dzinozopoya dzikanodya minda.Munhu wese akabva angoti bvuu kuseka kusara kwaGogo avo vaive vasingabvumi zvavaiona nemeso avo.

Vanhu vakazopararira havo kukasara vehukama avo vakabva vangopinda mumba kuti vataurirane zvaitora nzvimbo pamusha apa.Isu pwere taisadiwa pakadai apa asi ndaiziva kuti Gogo vaizondiudza.

Zvegrocery ratainge tanzi tigozonotora zvakabva zvambomiswa.Mumoyo mangu maingove nekamwe kamufaro kekuti mbuya mai Simba vaine varohwa nepamusana pehutsinye asi ndakazofunga kuti Bhaibheri rinoti kutonga ndekwaMwari.Sezvo nguva dzaive dzati fambei ndakabva ndamhanyira kunovhurira mombe kuti dzifure kuchine dova.Ndiri mukati mendangariro ndakatanga hangu kufunga kuti kurohwa kwaitwa mbuya kwanga kwakonzereswa nekuda kwaGogo neni,zvichireva kuti sekuru baba Simba vachidzokera kubasa zvinhu zvaizotonyanyotiomera kuchinzi ndimi makasakisa ndiitwe kafira mberi,botsa kufa,mukira kuvafi.Zvedu zvaitoda kushinga izvi nekuti hupenyu hwedu hwaive huzere rima asi ndaiziva kuti Faith Makes All Things Possible.Tikavhura Bhaibheri,Hebrews 11 vs 1-40 inotitaurira nezvekutenda(Faith),uye navose vakatenda vachiwana mhinduro dzavo.Iniwo chaidikonesawo kutenda muna Mwari Muponesi wangu chii.Ndakatobva hangu ndatanga kuimba karwiyo kekurumbidza Mwari ako kataiimba kuMethodist kwedu,"Dombo Rakare Kare,Ngandiswededzwe Pedyo Nemi",nekamwe kanoti"Ishe Ndinzwei Nokufara".Ndichipedza kuimba ndakabva ndaisa hangu munamato wangu.

Kwasekuru baba Simba kwakasara kukamuka imwe hovhiyo mushure mekudzidzivuka kwambuya mai Simba. Zvinonzi hembe dzese dzasekuru dzakakandwa panze ,zvese nemauniform evana zvakaramwirwa gogo vangu. Mbuya mai Simba vaiti enda kwambuya vaTadiwa nekuti makarara muchindirangana. Sekuru baba Simba vaive vatsamwa zvekare vakuda kurova mukadzi asi vanhu vakavabata vakavakiira mumba. Mbuya mai Simba vaive wrong havo asi vaisabvuma ndevaya vanhu vanongozviudza kuti kuside kwavo havatadze. Mapopotero aiita mbuya mai Simba vanhu vakatomboti maybe kwave kupengera kuoneka sezvo zvichinzi murwere kana oda kufa anotaurisa. Hembe dzakaramwiwa nambuya mai Simba ndakawana dzakanzi njoo kuseri kwedoor pandakabva kumombe. Ndakabva ndatoziva kuti zvinhu hazvina kumira mushe. Gogo ndakawana vakagara vakabata rushaya pfungwa dzichiratidza kuti dzaive kure. Maswera sei chaiyo ndakatoita rutatu rwechina ndopavakandinzwa. Ndakarondedzerwa zvese zvakanga zvasara zvikaitika. Mumoyo mangu ndakazvibvunza kuti pachagarika here apa asi mhinduro ndakaishaya. Imwe nyaya hombe yainetsa pamba apa ndeye kuti inini ndiendeswe kumba kwedu. Hamheno kuti vana mbuya vaifunga kuti ndaivatorera chii. Ivo vaingodaro havo asi vaisada kuti vana vavo vazogara nagogo. Vaitovafurira kuti varambe vachiti vanoroiwa. Sekuru baba Munashe vaiteedzana nasekuru baba Simba vakanguva vataura kuti gogo vapiwe mwana musikana wekugara naye vagopotawo vachituma asi zvakakona. Iko kumusha kwangu kwavaishingirira kuti ndiendeswe ndainanga payi uye kunani. Hama dzedu hadzina kumbouya kuzobata maoko pakashaika baba vaitove ivo vavaiziva nekuti vakabva ikoko vakatozvarwa. Iniwo havana kumbouya kuzondiona hapana wandaiziva kana mumwe chete. Ndakatura befu

ndichifunga nekufunganya asi semunhu aive mwanana ndaingoronga zvichidonha semanera evarovzi vaida kunobata mwedzi.

Takazonorara hedu nguva dzatoenda. Takanorara muimba imwe chete nagogo tichiitira kuti kana pane anenge afunga kuti pisira mumba tife tese pane kusiya umwe achitambura. Takazonzwa sekuru baba Simba vachiknocker padoor vachiti gogo vauye vavawaridzire vaida kuvata. Gogo vakamboramba asi sekuru vakati "sisi kutouya kuno kuedza kukunda muyedzo. Ndozopedzisira ndaperekedza munhu kwamupfiga nebwe nekuti mai Simba anoita sekanyuny. Kanyuny kana uchida kuti kasakunetsa katswane kafe". Gogo vakazotenda asi vaingoti "bhudhi baba Simba mandiparira muno mumusha hamuchambozogariki zvakanaka". Mbuya mai Simba vakazouya pakati peusiku vakati votema madoor nematombo. Vakataura zvakanwanda accused gogo kuti vaidanana nehanzvadzi yavo. Ndaive ndongonamatira kuti sekuru baba Simba vasabuda mumba taizoitirwa ngozi ende shoko raitozofamba kuti vakabatsirana kuponda munhu. Chinoda kufa chinovingiraka asi sekuru vakaratidza kuzvidzora vakasiya mhengo ichidarika. Mbuya mai Simba vakazoenda kumba kwavo vachinyatsonzwa kuti vatura mutoro waive mudundundu mavo.

Kuchiedza sekuru vakangomuka vachitodzokera kuHarare kubasa kwavo vasina kumbonooneka mudzimai wavo. Sezvo yaive Sunday gogo vakagadzirira kuenda kuchurch ini ndichienda hangu kune dzemuswe idzi. Vana gogo vakanopinda church zvakanaka vakapedza kuma2 ndokutopinda munzira kudzoka. Gogo vaisaita zvemashamwari vaitya kugadzwa matare emakuhwa so vakabva kuchurch varivoga. Pavaive vakuyambuka pana mutora huku vakawana mai Simba namai Munashe vakavamirira pamukwidza nemazishamu. Vakatangira kurova gogo vasinga sarudzi kuti papi. Mamai akatouyira kumasure kwagogo ndiwo akatozovanunurira. Ndakarwadziwa gogo vangu vachisvika kumba vakazvimba muviri wese. Ndakavadziisira mvura yekugeza nekuzotovesa muviri wavo.

Monday ndakaenda kuchikoro asi ndaive ndakangobatira ura mumaoko. Kuchikoro ndaitoziva kuti Simba naHazel waitodawo revenge yavo nechikwata chavo asi ndakangozvishingisa kuenda. Zvamunoona pakaitika nyaya muraini hazvitani kuzara, vamwe ndevanotaura nepasipo vamwe kungorotomoka pasina chinozikanwa.

Ndaitofamba hangu zvishoma ndakatsikitsira nekuti ndaive ndakasira musi uyu. Ndichisvika pagedhe rechikoro ndakangonoti ndichisimudza musoro kudai, zvandakaona zvakanigura mabvi ndikashaya kana simba rekutiza ndokungobva ndangowira pasi, chipapa chaive netwuchingwa chichiwira kwakadaro uko ndichibva ndavhara kumeso.....

No matter what they say or do, pick yourself up & fight for yourself. Never give up

GLORY BE TO GOD, LORD OF ALL NATIONS

End of chapter 7

[03/23, 8:57 AM] +27 74 404 6521: KUFA KWEMURUME KUBUDA URA..

A collaboration by

Tshiyiwe (Meme)GONDONGWE
&
Clapperton T Mungofa

084 617 3754
074 404 6521

CHAPTER 8

Zviya zvainzi nevakuru vakare mhembwe rudzi inobara mwana ane kazhumu kana kuti mbudzi kudya mufenje hufana nyina,vainge vaona chokwadi.Ini mukukura kwangu kusvika pazera randainge ndave ndaingove munhu wemunyama,kuvengwa,kushorwa,kusemwa uye chakaipa chese chainongedzerwa kwandiri.Zvimwe zvinokunda ngoma kurira.Ndakatozvipa hangu zita remadunhurirwa kuti Mushoriwa nekuti zvanga zvakatosadharara chaiko..

Nguva yandakazviwisira muvhu iya ndainge ndaona Hazel naSimba neshamwari dzavo vakandimirira pagedhe,saka nguva dzavakandiona vakabva vatanga kufamba vachiuuya kwandiri.Ini ndaingoda hangu kuti vandirove kumwe kwese uku asi kumeso kwangu ndaisada nako.Kana makamboona zvinoita imbwa zviye dzichida kuratidzana ukuru,iya inenge yakurirwa kana kuti inenge yatya inoisa muswe muhumbudu kana kuti muhasvato,naiyowo inenge yakurira iya inotobva yatanga kutsvikidza mushe kuratidza kuve chibaba chacho.Kwandakaita uku kwaive kuisa muswe muhumbudu kuratidza kutya.Ndaingoti hangu chauya chauya ngavaite zvavagona.Mashoko ekutuka avaideedzera aibaya pamoyo chaipo asi ndakangoti handimbopinduri.Zvinonzi hatirwi nenyama kana neropa asi Jehovha vanotirwira.Handina kuziva kuti zvese izvi zvaive mumaziso aMam Marera vaive vakadongorera nepahwindo repaAdmin,vainge vanzwa ruzha rwaitwa nechaunga chaida kunditsokodzera.Mam handina kuona kusvika kwavo nekuti ndainge ndakavhara kumeso apo ndaakutochema nechekare.Pfungwa dzangu dzainge dzatomira kushanda ipapo.

Ndakatozoti bebenu ndanzwa kubatwa nemaoko aive akapfava azere nerudo,ndakazonzwa mhino dzangu dzazadzwa nemunhuwi wemafuta ainhuwirira samare.

Ndakazonzwa izwi ndikaziva kuti vaive Mam Marera ava,vakabva vati,"Tadiwa it's ok mwanangu,simuka hako vanhu vanga vachida kukurova vaenda.Come,handei kuoffice kwangu."Vakabva vanonga chipepa chaive nembuva yangu iya ndokubva tadungamidzana takananga kuoffice kwavo.Mam ndivo vakava Mwari wangu,mununuri wangu.Iro jambwa,munyama nerushavashava zvataive nazvo zvaizoperawo sei nhai Mwari.Veduwe ka,imbozvifungaiwo kuti une nhamo inokubvumburudza siku nesikati,wotizve dzaunenge uchiti hama dzacho ndidzo dzinotori pamberi kukutsimbirira pasi.Kana paine vakambosanganawo nazvo vanondipupurira marwadzo acho kuti akamira sei.

Musi iwoyo handina kuenda kunomira kuAssembly kwaive nevamwe vana chero Headmaster havana kuendawo nekuti vakabva vangodeedzwa naMam vachida kuvaudza zvainge zvaitika.

Headmaster vakatsanangurirwa zvese zvainge zvaitika nemo nemo ini ndakangotsikitsira hangu.Mukati memoyo wangu ndakambofunga kutiza chikoro kana pamba pachosi kwekuenda chaiko pange pasina.Ndaive ndakamira pakati pedziva nengwena,kwekutizira panga pasina kunze kwekutoshinga kurwisana nengwena yandaive ndakatarisana nayo.

Ndakazotsanangurawo zvainge zvaitika kumba pa weekend. Headmaster vakazoti vachadeedza chikwata chana Simba na Hazel vovaro vane nekuvapa punishment asi ndakavakumbirisa nemisodzi pamatama, ndikavaudza kuti kwaitove kuwedzera paraffin pazhenje remoto ndokuzonzwisisa kwavakaitawo asi vaive varatidza kubatikana nazvo asi chekuita paive pasina. Regai zvichinzi nevatendi, chemai muine tariro uye there is light at the end of the tunnel. Asiwo kuzoonawo wosvika kune light racho unenge wambosangana nezvakawanda veduwee. Ndakazobuda hangu ndokuenda muclass maive nevamwe asi ndaitonzwa kuti nzvimbo yandiri ino haikodzerani neni uye hapana anondida muno. Semazuva ose ndakasvikogara panzvimbo yangu ndokuisa munyengetero wangu, ndichipedzawo Sir vedu vakabva vapinda kuti tichitanga zvidzidzo. Ehe ndaive pachikoro hangu asi pfungwa dzangu dzaisambori panzvimbo apa. Ndaifunga kuti zvino aDhehwas vangu zvavasara kumba kune makava arikuda kutotushura maziso avo nekuvadya vari vapenyu, varikuzvifambisawo sei.

Takadzidza zvakanaka ini ndokuzokumbirirwa namam Marera kuti nditange kuenda kumba kuitira kundidzivirira kumakava aive akatarisana neni. Kumba handina kumbogarisa ndakangodya ndokutopfuurira kumombe kwaive nechembere yangu. Gogo vaitofudza mombe vachitsvaka huni dzekuzoenda nadzo kumba. Ndakamboda kuvarondedzera chimoto chaive chamuka kuchikoro asi ndakatya kuti vaizorwadziwa nazvo. Gogo vakazoti "muzukuru haungasari wega kuno kumafuro. Tinha mombe tonofudzira pedyo nekumba. Takasvika kumba mai Sabhuku variko zvikatotinetsa kuti vaidei. Gogo vakatofunga kuti maybe vaive nendima yekusakura. Zvamunooni munyika mune vamwe vanhu vane hana dzakapora, vanhu vasingabhabhauki vakarurama samai Maria hosi yedenga. Sekuru baba Simba vakasangana namai Sabhuku pavaive vakudzokera kubasa kwavo ndokuvarondedzera zvaive zvaitwa nemurume wavo zvekuda kubata gogo. Ivo vakatouya vachida kuzokumbira ruregero on behalf of her husband ndopavakaona vana mai Simba ndokutanga kurondedzerwa zvisiri izvo. Mai Sabhuku semunhu aive akarairwa uye achiziva kuti ndini nhungamiri havana kuda kuita hovhiyo yavaive vaudzwa. Vakanyatsokumbira gogo kuti vapinde mumba ndokuvarondedzera nyaya nemo nemo kusvika vanzwisisana. Vana gogo vakazobuda mumba voperekedzana izvo zvakashamisa nekubhowa vana mbuya mai Simba nevakadzi nyina vavo. Ndakatenda Mwari nekutirwira kwaaive angotiita muswere wese wezuva.

Nhamo haitadzisi nguva kufamba uye haitadzisi kukura. Semunhu aive azopinda muchirongwa che *BEAM* kuchikoro ndaive ndava covered. Mabook, uniform, mari nezvese zvaidiwa kuchikoro ndaipiwa saka taive tongoshandira kudya nekupfeka chete. Hama dzedu idzi ngoma yaingove ndiyo ndiyo kurohwa nekushungurudzwa. Kuchikoro ndaive ndatove grade 5 zvangu apa matambiro andaiita bhora wega waipa kutenga. Takambozoenda kunotamba tikawana kune vana vemaassociation anodeveloper vatambi. Takatamba tichinyorwa mazita tikanzi taizoziviswa kana takudiwa through our schools. Imwe Friday ndakarovha kuchikoro gogo vaisanzwa mushe so ndaifanira kutoswera nemombe. Tsamba dzekuti taidiwa Saturday yacho dzakabva dzauya. Headmaster nekuzivawo magariro ataive takaita kumba yangu tsamba yakapiwa mwana wekwa Sabhuku kuti auye nayo. Munzira akaitorerwa ikaguma yave mumaoko anamai Simba ndokwayakaperera. Ini ndakangozonzwisa dzave ngano musi weMonday ndakarwadziwa zvekusvika pekupedzisira. Pavamwe vangu vakaenda kumaterials 2 chete ndovakakundikana vamwe 10 vakaenda zvikanovafambira. Gogo vakangondinyaradza vakati "chimwe nechimwe chine nguva yacho. Pako chaipo pawakatarirwa namwari hapakudariki muzukuru wangu. Rangarira mumvuri werufu wawakanzengeswa asi

nhasi uripano. Unoziva sei pamwe Mwari ndivo varamba kuti ndisare ndega pano. Unoti ndikasara ndega ndinogara nani ,iwewo haumbozono shande nesimba uchingofunga madzudzo arikuno". Mashoko aGogo vangu akatsvaira kugununa kwese kwandaive nako. Ndakanzwa kusimba ndikazviudza kuti regai ndirambe ndakati fombe nemabook angu ndigodadisa. Kuchikoro ndaimira futi zvekuti vavengi vaisekerera. Nagogo vangu tainamata tichikumbira kuti njere dzangu dzirambe dzichidiridzirwa dzipfume nekupakatira uchenjeri. Kwana sekuru baba Simba vana vavo aive madhodho zvawo ,mazidofo ekupedzisira. Kuutsinye ndokwaive kwavo kuda ndezvekuti vaiita hwakupakiwa nanamai vavo. Chero magutiro emunhu anondonyerwa chikafu mumuromo neanozvadyira ega zvakatosiyana. Zvinhu zvekupakichiwa zvinowandisa ndosaka hama dzedu idzi dzaisanzwa tsitsi nesu. Sasekuru baba Simba kubva paya pavakapotsa vauraya mukadzi vakangoenda zvamuroro kana kumbozonzwa kuti vakanochonerepi. Sumuka tienezane yamai Simba yaizonyanyawo.Ndaingonamatira kuti dai Mwari vachinjawo moyo wambuya vangu ava nekuti moyo wavo waive wakatosviba sepasi petsambakodzi yepanhamo.Mufunge Bhaibheri rinoti tinamatire vanotivenga uye tisatsive chakaipa nechakaipa.Jesu chaiye paaiparidza aiti ukarohwa dama rekurudyi mupe rekuruboshwe futi zvivharane zvakadaro.Chero ukaitirwa utsinye hwakadii usashuvire munhu chakaipa asi ingoti Mwari varegererei havana chavanoziva.Mukurarama ngatidzidzei kupanana rudo veduwee,Love your neighbour like the way you love yourself.Ukadaro wanyadzisa Satan. Ndaingoshuvirawo kuti hama dzedu idzi dziwanirwe nyasha.. Surely Goodness & Mercy shall follow me all the days of my life..Amen..

End Of Chapter 8..

##watch out for Chapter 9##

Does God answer our prayers.？

We Love You All..

[03/23, 8:57 AM] +27 74 404 6521: KUFA KWEMURUME KUBUDA URA.

A collaboration by

Tshiyiwe (Meme)GONDONGWE

AND

Clapperton T Mungofa

084 617 3754

&

074 404 6521

CHAPTER 9...

Mazuva akafamba akave masvondo,masvondo akafambawo ikave mwedzi nemwedziwo ikafamba rikave gore.Hupenyu hwedu hwaingove hwekuparapatika kudaro,gogo vaishinga nepavanogona napo.Vamwe vane moyo ine rudo ndivo waitipawo pashoma pavaiwanawo ipapo zvichitofamba tichitokurawo hedu isu

vamwe.Iniwo ndange ndatove jaya chairu,simba nezvimhasuru zvainge zvavepo ndava kutoita mabasa ese angatarisirwa kunzi munhu wemurume angaite.Ndichifunga pandainge ndave nekwandainge ndabva nako ndakazviona kuti kwaisave kugona kwangu asi dzaive nyasha dzaMwari.Misi nenguva ndaipfugama ndichimutenda Wedenga nechipo chehupenyu,njere,rudo,kuteerera nekuszvikudza kwaive mandiri.Hwaro hweupenyu hwangu hwaive hwavakavakwa neyandingati iyo foundation yakasimba isingatsukunyuki.Mukukura kwangu kwese ndaidzidziswa kuti haikona kutsiva munhu akuitira chakaipa iwewo womutsivawo nechakaipa.Ukadaro mese munenge matova mipengo chaiyo muzere madhimoni seuya ainzi Rigioni.Munhu anotywa Mwari nekuteerera mirairo yake anozvidzora chero watadzirwa zvakadii dzidza kudzora hashu dzako.Pese pandaitirwa mashura nezvinanara nanaSimba naHazel ndaizvidzora hangu chero zvazvo ndaitonzwa shungu dzekudawo kutsiva.Tinofanira kuratidza kutenda kwedu nemabasa. Kuchikoro kwedu vadzidzisi vose vainge vondifarira nepamusana pekuteerera kwangu nekugona muzvidzido zvangu zvese izvo zvakaita kuti ndiitwe muprefect pachikoro pedu. Zvinoita Mwari so zvinoshamisa mufunge asiwo nerimwe divi satan chinenge chichirukawo zano racho.Hameno kuti chipuka chinonzi satan chakaita sei chisingapererwi nhai. Musi watadanidzirwa mazita edu kuti tisu tainge tave maprefects manyowani pachikoro apa ndakafara mufunge ndikati nhasi gogo vangu vachafarawo nekusimudzirwa kwandaitwa uku.Ko nguva iyoyo zvaitodadisa ka kunzi waitwa prefect. Takazosara topedza zvidzido zvedu musi uyu ndanonokerwa nekuenda kumba kunoudza gogo zvainge zvaitika.Ndakazenge ndabviswa muB mandaiveri muya ndave muA macho tichikweshana nevaizviti havabvire pamabhuku. Ndakatongoti ndichisvika pamusiwo ndichitanga kutorondedzera nyaya yangu ndisina kana nekusweresa gogo.Ivowo vakangozvionawo kuti muzukuru wangu ari kufara nhasi.Takatanga hedu kufara tese paya nagogo tichiita zhowe zhowe tichiseka nekutoridza chikuwe kani.Ko taizivei hedu kuti vamwe vakadumbirwa uku.Zvakasvika Hazel naSimba kumba kwavo vakasvikoudza mai vavo zvese zvainge zvaitika kuchikoro,avawo mbuya BP ikati yashuta rwizi rukati rwafashukira haikona kutaura.Tatogara hedu ndichimirira kuti gogo vapedze kupakura sadza tibve tadya hedu,nzara yanga yandibaya zvino ndakatenge ndatogeza maoko nechekare.Takanzwa mutsindo uchibva necheseri kwemba ndokubva tangotarisa hedu nagogo,mbuya mai Simba vakapinda riri bullet mumba,kana kugogodza havo.Vamwe vanhu havana nyadzi shame.Vakatongosvika nekubata muchiuno vachipopotera gogo hanzi hee muzukuru wenyu agoitwa muprefect sei vangu vana vachisara,hee huroyi hwenyu hwazonanyanya makatora njere dzevana vangu mukaisa pachimuzukuru chenyu ichi chigora.Aah,ndakatoshaya kuti mai ava mashoko avaitaura vaimawana kupi chaizvo.Iko kusatonyara kwacho kani,hanzi makatora njere dzevana vangu,hehehehe. Gogo vakatoshaya kana mashoko ekuvapindura nawo,vakangoramba vakashama muromo.Vasati vabuda vakabva vasubvura hadyana yaive nemuriwo waipakurwa nagogo ndokubva vabuda vachibhidhaira vachipopota.Hanzi muchazviona,tosvitsana kwamvurayachekamakumbo.Pakadaro hauchemi mufunge,unotongoonawo kuti vamwe vanhu vakatsengerwa mudzi wechikonde konde chaiwo,kana kutsitswa mbuya vangu ava vainge vasina.Nekwakabviwa kwacho unotoshaya kuti vairarama sei ikoko.Kana ivowo sekuru vangu vainge vashayawo vasikana here akomana.Hama dzangu kana muchiroora musangoite mawiramombe,wongoti chero ndamuwana chete atombobvuma kuroorwa.Unozvuzvurudzana nemhepo yanyamavhuvhu zvayo.Dzidza munhu wako musati mafunga zvekugarisana,unozotanga kudemba asi it will be too late. Tainge tisisina imwe plan panze pekutorara nayo nzara.Ndakati dhoo ndakatarisa sadza riya apa nenzara

yandaive nayo ndobva ndarinhonga ndokurigeza nemvura ndokutora munyu waivemo ndokutoseva hangu ini mwana wemunhu. Patakaenda kunorara ndipo patakaona chamutavanhava. Pungwe mazizi achingochema zvaive zvakaoma. Gogo vaisanzwikwa kana kupfakanyika maybe vaityawo. Ndakazozvishingisa ndikapfugama ndikatanga kunamata apa ndichideedzera. Gogo vakatombonditswinya kuda vaiti taurira pasi asi ini ndakatowedzera. Ndakazonzwa mazizi aya atizii ndikati thank you Jesus. Gogo vakazouyawo ndokuenderera mberi nekunamata ndokuzorara. Ndakangoti nechemumoyo Gogo maiti ndakura ndakufanirwa kurara ndega mumba mangu but ndatokubatsirai nhasi maimuka makaoma nekutya. Ndakagadzirira kuenda kuchikoro semazuva ese, ndichisvika pagedhe vanhu vaingotaura zvisina maturo hanzi "tanzwa kuti mazizi enyu akashaya chikafu akarara achichema". Ini ndakangoti eee zvipfuwo zvoda kuchengetedzwa ndokutonyarara hangu.

Pandakadzokera kumba ndakawana gogo vachiti ", Tadi muzukuru vana mbuya mai Simba vati usvike kumba kwavo hamheno kuti vanodei". Ndakangoti ndoenda ndavharira mombe dzevanhu gogo zuva kana rakudoka kudai dzinonetsa dzinenge dzaguta dzakungomhanyira muminda yevanhu hamungadzigoni. Ndakapishana mupfungwa ndichinetseka kuti chave chii futi asi ndauya ndikanyeperwa here ini. Pandakavharira mombe ndakamhanya kwaSagomakoma mai Simbazve handiti vaida kungozviita ivo vanotonga zvese. Ndisati ndavamhoresa ndakabva ndatogamiwa ndikanzi,"Tadiwa pano unongoita zvaunoda uchitengerwa zvekudya nemari dzevarume vedu so isu varidzi vevarume vacho tatenderana kuti iwe uchange uchiuya kuno kuzotibatsira basa nokuti haungangodyi urere. Unongotangawo nekuno uchitevedza nekwana mainini uko wozoenda kumba kwenyu. Basa rako chairo muno mumusha ndirori kwete rekuswero teererana nambuya semadzvinu. Mwana wemukwasha akatadza kuchengetwa kumba kwavo ziva kuti kwana sekuru anotoitwa mushandi saka bhara iro ndoda ma25litres matatu emvura". Ndakapererwa kana neremuromo ndakarishaya. Zvigubhu zvaive zvisina mvura zvaive zviviri chete asi vakatendera kudeura imwe pasi kuti ndingoenda ne3 chete. Ndakangozviudza kuti simba mukaka ndokutopusher bhara riya ndichitoridza kamuridzo kekuvhara kuti vasaone kuti ndarwadziwa. Ndakazoyeredza misodzi ndakutosvika kurwizi chaiko. Ndakawana pasina vanhu ndobva ndatochera mvura yangu nekutodzokera kumba. Pandakasvika vakaratidza kushamisika nekuti vakaramba vakanditarisa. Vakatozviona kuti ndaive ndatove mukomana akagwinya. Ivo vaifunga kuti ndichatakura chigubhu chimwe chimwe. Ndakangosvika ndichitsveta bhara nekutoenda ndisina wandataura naye. Ndakatozodeedzerwa ndave kure ndikanzi "zvauri iwe ugokanganwa mangwana". Gogo ndakasvika ndichivaudza asi vakatofara kuti handina kuramba. Vaizviziva kuti zvaive zvaitirwa kudenha nekutsvaka mashoko vachiti handiteereri manje kugona mbavha kuirongera. Kubva musi wandachera mvura kwamai Simba ngoma yakaramba iri iyoyo zvekuti ndaive ndatojaira ende patimetable yangu ndaive ndatozvinyora. Ivo vakabatikana kuti sei mwana uyu asingarwadziwi nazvo. Pane kuti ini mushandi ndirwadziwe mushandirwi ndiye aitopinda busy achiremerwa nemifungo yakawanda wanda.

Ndakaiyambuka Primary ndikaenda kuSecondary zvinhu zvakangooma asi Mwari vaingotirwira. Kumwe kutambura inenge ichitori blessing in disguise chaiyo. Isu vana Tadiwa taitosemesa zvekuti vasikana vaisambotitarira and ini ndaisatarirawo futi ndaingoda mabhuku angu. Kule Simba vaiita kunyan'anya pachikoro zvekuti vasikana vaiita senhunzi dzaona pakaora. Pasina nguva ngani vakabva vatizirwa nemhou dzavo nhatu ndikati hokoyo musha wakura. Ndozvinonzi nevakuru, zvaiwana ngwarati kufura irere. Nyamba munhu mukuru anoti rukutu, kutikitira chaiko chero kusingapisi. Mbuya mai Simba vakamboda kuti

pamunhondo pamusasa,hanzi hee mwana wangu haasati akura haangamboite zvakadaro,vari kumunyepera nyaya isiri yake.Sezvinei vakabva vadzinganisa vasikana vaya vese vari vatatu.Zvekurera vana muchivafuridzira senyana renjiva izvi vabereki zviregei.Mwana ngaadzidzdziswe hunhu kwaho,tsika neruremekedzo.

Sezvineiwo vabereki vaive nevana vanga vakanganiswa vaya vakangokwidza nyaya yavo kwaIshe Nyoka.Rimwe zuva vakatogara havo pamumvuri vakaona pamba pavo pachisvika varume vairi,vakazovataurira kuti aive machinda amambo uye vaidiwa kudare mazuva mairi anoteera.Sekuru Simba vakabva vatongodzingwa chikoro ndokungogara pamba,uku ndiko kwakave kushanduka kweupenyu hwavo.Mbuya mai Simba vakatoziva kuti nyaya zvayakwidza kudare kwaShe yainge yatove kumakata.Zvakavasiya vasina kana remuromo nekuti Ishe Nyoka vainzi waitonga nyaya zvazviri..

End of Chapter 9....

****Ngatinzwei kuti zvakazofamba sei kudare kwaShe muChapter 10****

Blessings Sometimes First Come As Curses..

We Love You All..Thank You For Your Feedback & Support..

[03/23, 8:57 AM] +27 74 404 6521: KUFA KWEMURUME KUBUDA URA.

A collaboration by Tshiyiwe (Meme) Gondongwe.

And Clapperton Mungofa.

084 617 3754

074 404 6521

Chapter 10.

Mazuva achifamba kudaro ndaienda hangu kuchikoro,hapana chandaishaya sezvo BEAM yaindipa zvese zvaiddiwa kuchikoro.Ndaitovewo mwana aiverengwawo pavana vaigona muclass medu.Chainyanya kundinetsa ndechekuti vamwe vana vese vaingoita karusarura kaya kaya kekuPrimary nekuti vazhinji vacho takangobva tese ikoko.Pachikoro pandanga ndaakudzidza apa painzi Manyene Holy Cross Secondary School.Taitawo mitambo nezvimwe zvikoro zvakapoterredza kusanganisira Zimondi,Marondamashanu,Mutoro nechimwe chaibva muChivhu mutown chainzi Liebenberg High School.Pose pataiita makwikwi angave ekumhanya kana ebhora,Liebenberg ndiyo yaingotora mukombe.Ndaitoshuvirawo kunodzidza ipapo kana ndapasa Form 4 yangu nekuti vana vepo vaichena zvisingaiti,itwo twusikana utwu twaigona kugeza wena.Isu takange taakutorwawo moyo nekuti ndanga ndatovewo chijayazve.

Zuva redare rakazosvika haro mbuya mai Simba vakanzi vauye nembudzi yaizodyiwa padare ipapo naIshe.Chokwadi munhu kana wasvika panguva yakaoma unozama kutsvaga rubatsiro kunyangwe kumunhu waunombodira makoko esadza nekumutuka nguva nenguva.Mazuva ainge apera vaiuya kumba kuzotandara nagogo kutsvaga kunyengerera kupihwa mbudzi pane dzaichengetwa nagogo.Vakazovakumbira vakapihwa

asi ini handina kufara nazvo,ndakatotsamwira gogo ndichiti vanga vazviitirei asi gogo vakangonditi usatsiva chakaipa nechakaipa uye kunyadzisa satan kungoita zvakanaka nguva nenguva.Hatina kuziva kuti zvinonzi rinonyenga rinohwarara rozosimudza musoro rawana.

Zuva redare rakakwana ndokubva ana gogo vese nanambuya mai Simba nevakadzin'ina vavo vese vadungamidzana kuenda kudare kuya,paive nechimufambo saka vakatokasira kubva pamba ndobva tanzi ini nasekuru Simba tigoteera nembudzi sezvo ndiyo yaizouraiwa padare apa.Ini pfungwa yangu yaive pakungosvika ndosiya mbudzi iya ndodzoka kumba.

Takazosvika nembudzi ndobva yatorwa nemachinda amambo avo vakabva vangoita chipata pata kuiuraya nekuivhiya.Takazobva apa ndokunogara hedu pasi,ndaakuda kutoenda sekuru Simba vakabva vandikumbira kuti ndigare kuitira kuti ndivasimbise padare sezvo ndini ndega ndaive wezera ravo uye semuzukuru ndakabva ndangobvumawo hangu asi hana yangu yaingorova ndikatoshaya kuti chii chaizvo chaimboitika apa.

Nyaya yakachizonzi tiringindi mudare asi mbuya mai Simba vaivhekaira vachiita noise kuita semwana mudiki. Shoko ravo guru raive pakuti ini ndipomerwe mhosva hanzi "vana ava vakamitiswa naTadiwa manje mishonga yambuya vake ndiyo yave kuita kuti mhosva inakurirwe mwana wangu ". Ndakaramba ndakagara zvangu ndichiterera nekuzeya mashoko. Mambo vakazoti "tauya pano kuzotonga nyaya zvichienderana nekuipirwa kwatakaita. Zvamaona kuti munogona kutonga matambisirei nguva yedu muchitiunganidza pano. Tine zvakawanda zvekuita kudzimba dzedu kwete kuswerera tichiokera kushaya hunhu kwenyu. Sezvo imi mai Simba muchiti mwana wenyu haana kukanganisira vana vevanhu ndichakumbira vasikana ava (vachitendeka varoora vamai Simba) kuti vasumuke vanobata murume wavo then tozoenderera mberi nenyaya yedu". Vasikana vava vakangosimuka ndokuuya paive nasekuru Simba apa shasha yaive yangotsikitsira pasi ichitadza kuramba. Chaindinetsa pana mbuya mai Simba kurambira munhu mhosva munhu aingozvita urira kuti ndozviripo. Chaingoomera sekuru Simba inyaya yekuti vanga vatizirwa nevanhu vatatu chete asi ivo vaiti kana dai angaari mumwechete ndaingotora hangu. Mambo vaisada zvakawanda uye kupedzerwa nguva kwavaiitirwa namai Simba kwakavasvota. Vakatuma machinda avo kuti vatore mai Simba vavabvise padare. Pakarepo vakazoti "chikomana nyaya yako iyi ini ndakutoikwidza kumutemo. Vana ava maunderage so kana uchitenderana namai vako kuti mhosva hauizivi taura and zvauchataura iye zvino ndizvo zvichatipa final decision. Unoziva here nezvekutyorwa gumbo kwevasikana ava?" "Eee ishe asi...."vakapindura sekuru Simba pavaive voda kuenderera mberi nemhinduro vakangoudzwa kuti "stop parizvino hatidi zvichemo tongoda hongu kana kwete". Kubvuma kwakaita sekuru Simba ndokwaita kuti mutongo wavo uchizongopiwa paMambo pakare. Vabereki vevana vakamitiswa vakanzi vataura zvavaida ,vaviri vakati toda mombe mbiri mbiri togara nevana vedu havangamboroorwi vachiri vadiki kana kuti toiita rape case. Mumwe chete aigara nambuya vake ndiye akangonzi handizvikwanisi mai Simba ngavatoziva kuti mhuri yakura. Pakazodanwa mai Simba voturirwa hurongwa hwaivepo vakaedza kupfeza asi zvakashaya basa nokuti mazuva ekuendesa mombe kuvaridzi vadzo aive atotarwa kare. Takazosimuka paya toenda kumba asi ini ndaive ndabatikana zvikuru. Gogo vakamboda kuita chivanhu chekuti mukadzi wasekuru Simba atange apotera kumba kwedu ozoperekwa asi ndakavaudza kuti Gogo hamusi imi mati mwana uyu aende kunoorwa. Vabereki vake chaivo vanozviziva kuti arikuenda kunogara nemurume so there is no need yekuti amboita mastation. Gogo zvinotonetsa futi mangwana mbuya mai Simba vakuti ndakamupindira. Mashoko ngaativinge takazvigarira tigwana vanopupurira pane kuita ekuhoverera ari kure. Gogo vakanzwisisa zvandaireva plus ndaivadira kuti vaisandizvidza kuti ndiri mwana chese chavaiita waitanga vatondibvunzawo kuti vanzwe pfungwa dzangu.

Sekuru Simba vakananaidzana nemudzimai wavo vakananga kumba ini ndaingoti hamheno ikoko handiti ndohushasha hwacho. Huku inodya mazai inoonekwa nekupiswa muromo.

Mombe dzekuripira vava vaviri dzakauya dzikatinhwa masikati machena dziri 4 dzikaenda. Imwe mhosva still yaingovepo nokuti mukadzi waSimba aidawo kunoorwa. Zvekunochera mvura kwamai Simba ndaive ndisisaiti ndaitya mashoko nekuzopomedzerwa. Mukadzi wasekuru Simba ndaimupa respect yaambuya nemukwasha chaiyo. Ndaiti ndikamuona achibva mberi kwangu ndaitiza nemusango nekuti munhu anoudzirwa zvekuita ukaguma wave munataisireva.

Takagara pasina nyonga nyonga tichingoti maybe mbuya mai Simba vatozvigamuchira kuti vave nemuroora. Hatina kumbozviziva kuti kuenda kwandaita kuchikoro kwakaramba kuchivabaya baya. Pandaive ndave form 3 second term ndakashamisika mbuya mai Simba vachikazaira vachiuya kumba. Vakangosvika vachipaumba zvekuti takashaya kuziva kuti kwaitikei. Pave pava vakazoti mbuya "vaTadiwa muzukuru wenyu akarara achivhuvhunyorwa chibage mudura mangu. Akaboora buri pasi raanosvika obaya ochingidzira chibage changu". Kutoti kwete mbuya handizvizivi waigoudza ani. Ndakarwadziwa veduwee ndikati ko ndakamboparei ini chokwadi muno mumusha. Mutongo wacho wambuya mai Simba ndiwo waive wakaoma hanzu "it's either munondipa mabucket 15 echibage kana kuti Tadiwa obva pano aende kwababa vake. Remember baba Simba hachauyi pano nekuda kwake uyu saka kusuduruka kwake panzvimbo kunovhurira vamwe mukana wekuti vaunyewe. Nyaya yakanetsa iyoyo ikatombondidzorera sure muZvishabane zvangu.

Zvinhu zvakatanga kuminama zuva nezuva, mufaro chaiwo pamba paive pasisina. Ndakadamba vabereki vakanga vafa havo kare kare, chandaive ndakatadza panyika ndakachitsvaga ndikachishaiwa. Mwari vaizondipindura yangu minamoto riini nhai.

Rimwe zuva ndakabva kuchikoro ndaneta zvisingaiti, takanga taswera tichimhanya nekutamba bhora saka ndakangosvikodya ndokubva tanorara hedu nagogo. Handina kumbowana nguva yekunamata zvandaisamboita mazuva ese, ndakangokumura uniform yangu nekurara. Ndakatanga kurota ndiri kuneimwe nzvimbo yandisina kuziva kuti irikupi. Ndaitofamba hangu musango imomo makasviba kuti nzvii, ndaingofamba ndisingazivi kwandaita. Ndichifamba kudaro ndakabva ndagumburwa nechigutsa ndokubva ndakunguruka ndichibondera bondera. Pandakazoti bebenu ndakaona ndave muzigomba rakadzika raisaoneka kwekubuda nako. Ndakatanga kudeedzera asi hakuna akandinzwa, misodzi yakatanga kuerera neangu matama ndichishaya pekubuda napo, ndakabva ndaona zinyoka rakasimudza musoro richida kutondiruma. Ndakabva ndavhunduka ndichiridza mhere ndichikwakuka ndokuona imba yese yazara chiutsi, gota rangu rainge ratungidzwa. Ndakatanga kukachidzwa ndichishaya kwaive nemusiwo. Ndakanzwa gogo vachiridza mhere vari panze. Musuwo waive wasungwa newaya nechekunze zvekuti waisavhurika. Ndakatanga kunzwa simba richipera mumuviri mangu, ndichishaiwa mweya wekufema. Rima rakabva rangonditi tiba.....

End of Chapter 10

[03/23, 8:57 AM] +27 74 404 6521: KUFA KWEMURUME KUBUDA URA

A collaboration by:

Tshiyiwe (Meme) GONDONGWE

And
Clapperton Mungofa
084 617 3754
074 404 6521

CHAPTER 11.

"Nhais mhaiweeee kani mati ndidiniko,Mwari wangu mandirasa imi.Ndozviudza aniko ini,ndichazoveiko pasi pano zvamanditorera munyaradzi wangu kani.Tadiwa wangu kani wandisiira nhamo muzukuru wangu,dai ndafa ndiriini hangu wasara hako.Rwangu rushava shava rudziiko nhai Mwari rwusingaperi,nepwere dzine mukaka pamhuno dzinongondipotsera mabwe nekundituka.Chimbori chiiko chakakonzero gogo rinorema kudai.Nhais mhai kani,mhai kani Achinjanja mati ndidiiko mhaiweeee!!!!.. Kana iri mhaka taurai ndiripe hangu,kana riri botso ndingasve ndaritanda hangu.Zvamatora Tadiwa wangu mati ndodiiko.Mwari imi Mwari imika,ratidzaiwo masimba enyu nhasi.Masimba amakaraidza pana Danieri uye pana Shadrack,Misheck naAbednigo nepana Josepha munyika yeIjipita.Ndakucharenjai Mwari,ratidzai simba renyu pana Tadiwa."Ava ndigogo vaichema nekudemba havo.Ndaivanzwa hangu asi handina chandaikwanisa kuita.Kupfakanyika kana kutaura ndaisagona,cheromawadzo hapana kana chandaimbonzwa chero kusvinura chaiko ndaikoniwa.

Ndaisatoziva chaitora nzvimbo kuti ndiri kupi kana kuti zvambofamba sei kuti ndidai.

Pfungwa dzangu dzakazotanga kudzokedzana mbijana mbijana ndichitanga kurangarira zvainge zvaitika zvese.

Ndakangogumira kuziva pandainge ndaakushaya mweya wekufema imba yazara chiutsi ndichitadza kubuda mumba.Ndakarangarira mhere yairidzwa nagogo vachideedzera kuzobatsirwa kugura mukova.Zvakazoitika kumberi dzave ngano.

****Gogo vaTadiwa****

Kubva zvakaoneka Tadiwa kuti akunorara neniwo handina kuzogarisawo ndakabva ndangoendawo kunorara.Kwaingove kuzvambarara asi hope hadzina kubata.Ndaingopishana hangu nepfungwa ndichingobwaira bwaira ndiri mumagudza.Hope dzakazongonditi ibeiwo chinguvana chidiki chidiki ndokubva ndapepuka ndichishamiswa kuona chiedza chakanyanya chaonekera nemuberevere memba uye nekunhuwa chiutsi zvairaidza kuti pane chaitsva.Handina kuzombomirira kupfeka zvishangu,ndaitoti pada ndasiya moto usina kudzima mumba yekubikira saka ndiwo wazobaka ukatungidza imba.Ko zvagozikanwa nani kuti Mhazwi(Tadiwa) vainge vatungidzirwa imba varere.Veduwee ndakaita dzungu rakasangana nekutya.Ndakamhanyira kugota kuya ndichisvika pamusiwo ndione pakatosungwa newaya kuti pasavhurike.Ndakaibongomora mhere yakavhundutsa zvipuka zvese,mombe dzimwe dzakatopaza matanga nekuvhunduka,imbawo dzaingowuurawo nekuhukura dzichiona rimi remoto riye.Ndichifunga kuti mwana wemwana wangu shuwa wotsvira mumba here.Mukova kudoutsukutsa ungabvume,ko simba raive richabvepi.Ndainge ndongochema ndatozvinyorovesa nechekare,moyo wekubereka uyu.Ko iye ainge apindwa nemweya wasatan kudai ndiyani chaizvo.Muroyi wangu ndaimuziva asi hazvairiita kunanga munhu usina umbowo huzere.

Zvinongoitawo Mwari veduwee zvinoshamisa,umwe murumewo aitenge achiendawo kwaienda akaona

moto nekunzwa mhere ari nechekumugwagwa ndokuuya achimhanya kuzoona zvaitika.

Akazozama kutsukutsa,iwo moto wachona waitoita sewabhejerwa,wakatotanga kuwedzera apa mhengo ichifuridzira seyatumwa,nxaa.

Murume uya akatozoonza kuti kusunungura waya iya kupedza nguva ndokutora duri chairo kuti apaze mukova.

Tadiwa ainge angoti zii,ndaisaziva kuti muzukuru wangu mupenyu here kana kuti atotsva hake muvivi rainganduma.Ndakashaiwa pekubata,mudumbu zvino maive morwadza,mabvi anga asisina simba aya.Kuti ndiswedera pedyo painge pave kupisa sehovhini yezvidhinha.Ndakachema hama dzangu ndikademba vakafa.

Inga nhamo yangu ndaingove nayo,handina wandaibira wani zvino ruva randakatotarisirawo ndichidiridzira nemukaka nekudzurira masora wakaipa neweshanje ndipo poosvikoriparadza hake.Asi Mwari paakasika satan ainge afungei chaizvo.Ndakapopotera Mwari ini,ndaizviziva kuti arikuzvinzwa chero ndaisamuona. Murume uya akazokwanisa kupaza gonhi ndokumhanyira muvivi nemuhutsi imomo,vainge vasunga muromo nemhino nehembe yavo.Murume mukuru akaita chipitipiti akabuda akasumudza wangu Tadi ainge zvino angoti rezu rezu seafa.Hamawee chitaurirwa hunyimwa,vanhu vemuraini vainge vakangomira havo nechekokokoko vachitya kuswedera.

Wangu muroora mai Simba ndakangonzwa nezwi riri pamusoro " musiyei akadaro ingurube inozvikanga nemafuta ayo. Mwana uyu ndakamuona kare kuti idzenga asi ndainyara kuzviture. Vana vangu vanogara vachizviture kuti Tadiwa anoputa mbanje asi ini nekuitwa muipi ndakangozvinyarara ndikati zvichabuda zvega zvino ooo wapisa chitumba chambuya. Kudhakwa uku hezvo azokanganwa kudzima mudzanga ukabatidza iwo madhende". Matauriro ambuya mai Simba waitoti pamwe tange tiri tese mumba. Vana mbuya mai Munashe vaingon'un'unirawo paitura mukoma wavo mai Simba. Mbuya mai Simba vakazoenderera mberi ndokuti "ndakazviture ini kuti mwana uyu ngaaende kumba kwavo asi nharo ngiriri. Varume varimuno mumusha vakapusa havasimudzi musoro. Kutsvaka ngozi uku kuti afire pano marenje awande. Mweya wekumba kwavo uyu moti chakaita mhuri itsakatike zuva rimwe chete chii. Ngozi chaiyo imi iri pachena isingadi kurovera hakata. Plus makamboona zvinoita uroyi hunokuparadza iwe mwene wahwo , pamwe hamheno kwange kwatumirwa zvidhoma zvikarasika nzira zvikaparadza vatenzi.

Tichachitora chinzvimbo chacho isu titonge. Iye zvino anofamba achipara mhosva mumaraini umu achishandisa mazita evana vedu. Zvino mishonga ya mbuya vake inosimbomunzvengesa yadii kudzimura moto wacho." Vana Mbuya ava vaingopaumba varikure kana kumboswederawo kuzonyaradza gogo vangu avo vandainzwira nechekure kuti voice raive roenda richipera. Ndakazodirwa mvura yakawanda apa vamwe vachifuridzira ,kozoti vamwe vaibata pamoyo apa kuti vanzwe kuti pachiri kutakwira here.

Ndakazodzidzivuka pave paya apa kukosora kwandaita ndainzwa sendichatsemuka chipfuva. Murume uya akazoti "Nyararai vanhu ndine chiziviso. Paita mhondi pano padoor remwana uyu pange pakasungwa newaya saka zvondoita ndakufonera munin'ina wangu auye ne mota titakure mukomana aende kuchipatara asi nyaya yacho yakuda mapurisa mukati kuitira kuti akwanise kurapwa. Ndine urombo kudivi remamai uko pane vanga vachitaurisa ndarecorder zvese zvamanga muchitaura. Mashoko enyu anogona kuzotibatsira kuwana mhondi yedu.Dhemeti,vakadzi vakuru kusanyara kutaura kwamusina kuswera.Mungatofarira kuti munhu atsve shuwa,munonyadzisa imi dai Mwari akakurovai neshamhu inorwadza."Vana mbuya mai Simba havana kuziva kuti murume uya wekunditakanura murufu apa Jokoniya foni yake (umwewo mukomana aigara panext door pedu) ndokumuti " shaaar foni yangu inozodirwa mvura enda unomira kumamai uko ndokurisafe timboita basa". Noise yese yakadzimuka vamwe vaiziva nyaya dzavo vakaita

rumwe rumwe vachienda kudzimba dzavo. Gogo vangu vakauya vakagara pedyo neni vachingopfikura apa hembe dzangu dzese dzaive dzatsva ndaitozoenda kuchipatara ndakadaro. Ndakatozorangarira kuti panguva dzandaive ndakazvambarara ndakaona pane murume akauya pandiri akasvika ndokundibata mafudzi angu ndokundizevezera munzeve dzangu akangoti "its okay my son,all is well". Paakangodaro ndakanzwa kuzadzwa nesimba ndipo pandakamuka vanhu iri neka neka yekundidira mvura. Mota yakazouya ndikatakurwa ndikakwidzwa mberi ,gogo vakanzi havasari vaifanira kunotaura zvaive zvaitika. Shungu dzakazondibata ndakachema veduwe zvekuti vanhu vakatadza kundinyaradza. Kumapurisa vakati regai apedze shungu kupfimbika shungu mumoyo kunokuvadzisa. Gogo vangu vakabva vapindirawo takachema kusvika misoro yakutema. Ndakazonorariswa kuchipatara gogo vakarara kumapurisa vaida kuzomukira vachienda kumba kunoonza zvakaitika. Luck ini ndaive ndisina kutsa asi chiutsi ndicho chaive chapinda mumapapu angu chakawanda..

Ndirere hangu kudaro ndakanzwa ndichibatwa matama angu aya nemaoko aive akapfava samare uye akandibata zvisina kana hashu mukati achiita seanouya nechekuhuro kunoku.Ndakamboramba ndakavhara maziso ndikazonzwa ndorohwa rohwa kambama padama kuti ndimuke.Ndakavhura maziso angu zvishoma shoma semunhu aive nehope.Ndakanyatsosimudza musoro ndiye dhuma dhuma kusanganisa maziso nevangu mbuya mai Simba

End Of Chapter 11.....

Thank You All Guys For Your Support & Interest In Our Book..

Feel Free To Share Your Views In Our Inbox..

Always Know That God Will Never Forsake You..Never Give Up On Him.

We Love You..

[03/23, 8:58 AM] +27 74 404 6521: KUFA KWEMURUME KUBUDA URA..

A collaboration by : Tshiyiwe (Meme) Gondongwe & Clapperton Takudzwa Mungofa..

+27 84 617 3754

+27 74 404 6521

Chapter 12

Zviya zvainzi nevakuru,"Muroyi haapererwi nemazano",chaive chokwadi mufunge.Ndakambotadza kutenda zvandaiona nemaziso angu.Ndakambofunga kuti pada ndiri kurota asi kwete zvaitoitika uye zvaive pachena kuti vanga vateera kuzondipedzisa apa.Chakandinetsa ndechekuti vanga vapinda nepai uye vanga vateera nei vega usiku hwakadaro.Vakazviona kuti ndainge ndashamisika zvikuru kuvaona nguva idzi.Kundibata pahuro kwavanga vakaita kwainge kuri pakati nepakati.Hana yangu ndaitoinzwa kurova kwayaiita uye ziya ndakatotanga kurinzwa kubuda.Ivo vaitoratidza kudzikamira chaizvo pane zvose zvavaiita.Ndaisabvumira zvandaiona izvi ndaingobwaira rusingaperi.Ndakazonzwa munhu aakutaura,"Tadiwa ndanga ndichida kuti ufire mumoto iwewe asi wapunyuka manje ndakuteera kuzokupedzisa kuno.Ndoda kuti ufe uchiziva

chikonzero chandiri kukuurayira.Kana ndapedza newe ndochizopedzisa ruchembere rwako rwuya.urwo ndichatorwushandisa kusvika ndaneta.Rwuchandinanzva tsoka dzangu idzi nekundinamata inini."Mashoko aya ainge azere utsinye neruvengo mukati,zvakandidya moyo ndikatanga kuyeredza misodzi.Gogo vangu ndaivada uye ndaisada kuti umwe munhu avaitire utsinye,ndaifanira kuvachengetedza sekuti ivo vaitotarisa kuti ndini ndatove baba vemusha uye ndaitove security yavo.Mumuviri mangu ndainzwa kuti handina simba rekurwisana nemuroyi uyu saka ndakangoti regai ndipfavire ngoma hangu pamwe pachawana achauya kuzondinunurawo.Ko ndaizivei hangu kuti hapana kana munhu aizouya.

"Kana uchifunga kuti pane achauya kuzokununurira manje wairasa,ndapfungaidza muswe webere saka ndinewe kusvika pandadira.Ndoda kuti ufe uchiziva chokwadi chese.Ikozvino unoenda kuchikoro,wangu mwana akagara haana chaachaita.Zuro ndizuro,murume wangu akanditiza nepamusana pako iwe nerwuchembere rwako.Ikozvino ndave chiseko chenyika nekuda kwenyu imi.Ndinofa nezemo sekunge ndisina murume manje iwe ndiwe uchatotsiva chinzvimo chemurume wangu.Uchateedzera zvese zvandinoda kuti uite,ucharara neni kana uchida kurarama."Hana yangu yakawedzera kudindingura pandakanzwa nyaya iyi,ndakafunga kudeedzera asi ndakazofunga nezvemuswe webere wainge wapfungaidzwa.Mushonga iwoyo ukapfungaidzwa chero wanga uchidya unotongotanga kuridza ngonono pasina chinguvana zvekuti kana nhunzi dzinotopinda mumukanwa dzikakandira mazai imomo,haumuki zvekumhanya.Pandakada kuti ndipindure vakabva vaisa chigunwe pamuromo wangu kuratidza kuti ndinyarare.Munhu rudzii ane moyo wakasviba kudai,chandainge ndavatadzira chaicho ndakachishaya.Ndaingopindura nekuburitsa misodzi.

Pane dzimwe nguva dzekuti iwe munhu pachako haukwanisi kuzvirwira dzimwe hondo wega.Kukurukura kudai hunge wapotswa hamawee.Munhu mumwechete aikwanisa kundinunura apa aive Mwari bedzi bedzi.Ndakangoisa kamunamato kangu kadiki diki,"Mwari ndokumbirawo simba renyu,ratidzai kuti muriko,honai hondo dzandatarisana nadzo.Ndiri ndega ndinotya,ndinoziva hamundinyadzise."Simba rakatanga kuuya zvishoma nezvishoma.

Ndakatozopatika mbuya mai Simba vafugura jira randaive ndakafuga,hembe dzainge dzatsva ndakangopfeka zvihembe zvemuchipatara zviya.Ruoko rumwechete ndirwo rwakasara rwakabata pahuro,rumwe ruchifamba famba nemuviri wangu.Zvinhu zvainge zvatomira kushata apa,ivo vainge vangonditarisa kumeso vachisekerera...

.....

Gogo kuMapurisa

Takaburuka mumotokari yemapurisa iya ndokubva ndanzi nemupurisa uya ndimutevere.Hana yangu yainge isina kugadzikana,ndaingofunga mwana wemwana wangu.Ndakamboda kukumbira kuti ndinorara ikoko asi pfungwa idzodzo dzakazovharwa nekutya mapurisa nekuti isu mapurisa taimatya chekuti pano.Takafamba ndokubva tanopinda mune imwe hofisi maive nemumwe murume,uyu anga asi yunifomu seuyu wandanga ndauya naye.Akandiratidza chituro chekugara."Gogo garai henyu,dzikamai henyu nekuti makachengeteka kana muri mumaoko edu,basa redu kukuchengetedzai.Ini ndinoitwa Senior Detective Zhou,ndini ndichange ndichiferefeta nyaya yenyu.Sunungukai henyu kunditsanangurira zvaitika."

Mumwe uya akabva angobuda ndokudzoka nemakomichi aive nesvutugadzike ndokunditambidza yangu ivo ndokutorawo dzavo.Ndakatarisa ndokuona yakasviba kuti ndoo asi yaiita kakunhuwirira kanotora

moyo. Akazonditsanangurira kuti inonzi bhureki kofu (black coffee) uye yaindibetsera kuti ndigadzikane. Handina kumira kufunga wangu muzukuru kuchipatara kwaive ega uko. Mupurisa uya akazoti "i think imwe information yatinoda toiwana kumukomana so it's wise ambuya kungogara tanonzwawo zvaakaona". This is attempted murder so we have to act fast. We don't want to loose the culprit. No time to waste ambuya handei. Tichisvika kuchipatara takawana Tadiwa achiteuka ziya, mwana aizvongonyoka zvainzwise ndikati ko madoctor ati "ari right" wani ko chive chii futi. Ndakafambisa ndichienda pabed pake apa ndatove mugear rekunamata. Pandakamubata akavhizuka zvekuti drip raaive akaiswa rakavhomoka better tsono haina kutyoka. Akadeedzera "mbuya! Mbuuuuya..!". Zvakandishamisa ini ndikati Tadie muzukuru asi urikunyanya kurwadziwa here? Akangodzungudza musoro ndokunyara, mupurisa uya ndiye akazoti "tell me what is going on". "Eee mbuya mai Simba vanga vari muno". Tadiwa aitove confused saka hapana zvaaikwanisa kubvunzwa. Mupurisa uya akangodana doc avo vaive vaenda kuoffice kwavo vakavaudza kuti vaizodzoka mangwana because Tadiwa aive asingadi kukanganiswa kuzorora since aive achakabatwa nekutya uye isu taitoti arikuhumana. Ndakazokumbira kurara ndakamurinda kuitira kuti pakaitika anything ndotozivisa doctor. Tadiwa haana kumbozorarawo akanyatsokumuka akagara. Ndakazomubvunza kuti paanga achiti mbuya chii change chichitora nzvimbo. Akandirondedzera zvese zvaaive asangana nazvo ndakanzwa kubatikana. Chokwadi munhu haagamuchiri zvaanenge apiwa naMwari. Ini ndakasiiwa nemurume akachona arikwaari kana mupenyu kana akafa asi handina kumbopomera vanhu mhosva wani. Murume wangu hapana chandingati ndakamukanganisira ini nokuti akangobvawo pamba sevamwe varume achiti arikuenda kubasa, ndiye kwakaenda imbwa ndokwakaenda tsuro. Ivo mai Simba wavo murume vakaita kutakunya sezongororo nekuda kwekuzviita muzivi nekuszvinipisa. Pfungwa dzangu dzakapishana ndikati saka kana zviri kutaurwa naTadiwa dziri chokwadi saka mai Simba vanoroyazve nekuti kana vanga vauya vasiri mhengo taifanira kuvaona. Ndakaerekana ndakunamata zvekare apa Tadiwa aive ongopfikura hake. Kwakazoedza takangosvinura hedu tichingosimbisana kuti one day zvichaita. Mapurisa akazosvika paya akati vaibva kumba kwedu vakazeza kuuya vachititora. Vakanditambidza pinjisi yavaive vakabata vakati "mungaitewo ruzivo here nezvayo kuti ndeyani?" Tadiwa akati "nditambidzei kuno tione". Achingoigamuchira akabva ati "kana kusiri kufanana pinjisi ndaiziva iyi ndeya mbuya mai Munashe". Ummm zvakaoma nyaya yaivepo kwaive kutodzokera kumba futi, mapurisa aifanira kunonzwisisa kuti yakasvika sei pamusiwo pedu. Mota yakarohwa mune zvakanaka tikananga kwamai Munashe avo vatakawana vachikuya dovi ravo paguyo raive panze pamusiwo wekitchen. Pasina kukwazisana umwe wemapurisa maviri andaive nawo akaupotsera mubvunzo "ambuya pinjisi ndeyani iyi". Vakangopindurawo zvavaive vabvunzwa mai Munashe pasina kupedza nguva "ndeyangu". "Ok ko kwambuya ava (kuchitendekwa ini) yakasvika sei?" akabvunza mumwe mupurisa. "Aaa yakanga iri kuna Simba kubva last week paakaikumbira achigadzira door rake" vakapindura mai Munashe vachiratidza kutya. Havana kumbozosiiwa takabva taronga dungwe takuenda kwamai Simba asi chakandishamisa kuwana mai Simba vachinzi vaive vaenda kumusha kwavo kunoona vamwe. Mai Munashe vakabvunzwa kana vaiziva nezverwendo urwu asi vakati vaisaziva. Mukadzi waSimba aivepo asi hapana chaaizivawo, takatozoudzwa naAndrew kagotwe kavo. Simba aive asipo and uyo ndaitozviziva because aive agara ataura kuti aida kumbobuda ambonotsvika basa saka apa taive tisina basa naye. Mumoyo mangu ndakanyatsove nechokwadi kuti mai Simba ndivo vaive vakatogarwa nemweya wehumhondi. Kumusha kwamai Simba kwaisava kure taingodarika bhuku rimwechete rekwaMunzwandawamo, topinda maHoore ndomaiva muraini mavo. Ini ndakakumbira kusara ndaitya hangu kuzonzi ndaenda nemapurisa kwavatezvara. Moyo wangu waive watove kujaya rangu raive kuchipatara ndakaerekana ndakutaura

mumoyo mangu ndichipishana nepfungwa. Chokwadi Mwari ndinoziva hamukundwe nemunhu wamakasika mukamuunza pano panyika. Ndingararamirei hangu panyika kana Tadiwa asipo inga ndicho chipo chega chandakatarisira kuti chindikudzire dzinza. Mwari handidi kurasikirwa nebudzi iri hangu. Ndakatarisa chimusha changu chaitoita sedongo hacho. Ndakazooka mota yemapurisa ichisvika pana mai Simba. Vakazouya kwandaive namai Munashe vaivepo semuridzi wepinjisi. Vakabvunzwa mai Munashe vakataura zvavaive vambotaura pakutanga kureva kuti nyaya yaive yasarira mai Simba. Setsotsi havana kupererwa nezvekutaura vakanyatsoti "pinjisi iyi ndatove nenguva ndichitoitsvika ndichida kuidzosera kumba kwayo. Kuiwana kwamaiita pano zvinoreva kuti yakabiwa ,mwana uyu vamupurisa anotova dambudziko chairu muno mumusha". "Nhai amai ndimi munogara naye here zvamunotaura sekuti anogara papfudzi penyu? Matauriro enyu anoenderana netap yatakapiwa madeko hatichadi kunzwa muchitaura imi nemuridzi wepinjisi pindai mumota tonotaura tave mberi " akadaro umwe mupurisa akasunga face. Mai Simba vakada kutaura but pavakangoudzwa kuti "ambuya hatina kuuya kuzotamba nemi and zvamurikuita ndeimwe mhosva futi". Vakapinda mumota vakungobwaidzika sekahanda kari pamusoro pebhazi. Heyo mota yakananga kupolice nemhondi yechikadzi..

End of chapter 12.

Love you all.

Muriko here uko vana vakareriwa nana Gogo.

[03/23, 8:58 AM] +27 74 404 6521: KUFA KWEMURUME KUBUDA URA

A collaboration by Tshiyiwe (Meme) GONDONGWE

And

Clapperton T Mungofa.

084 617 3754

074 404 6521

Chapter 13

Ndainge ndave kunzwa hangu zviri nani chainge changosara chete kuburitswa muchipatara.Ndaitove ndakatorara hangu ndakatarisa mudenga ndichifunga zvakadzama.Ndakatozovhundutswa nezwi randakanzwa richidanha zita rangu,izwi iri ndanga ndakaguma kurinzwa kare kare asi ndairizivisisa chaizvo."Nhai Tadiwa,what happened to you,who did this to you my boy?"Vakadaro Miss Marera vachisvika pabed pandaive ndakarara hangu.Ndakabva ndamuka hangu ndobva ndagara,room yese yakabva yangozadzwa nehwehwe hwemafuta avaive vazora.Vakauya ndokundimbundira zvinekakurwadziwa kakasangana nekufara mukati,ko neniwo ka ndakabva ndabatirirawo hangu ko ndini ndadiiwo.Ndakazovatsanangurira maitikiro azvakaita vakateerera havo vachiratidza kubatikana nenyaya iyi.Takazotaura hedu dzimwe nyaya ndichivabvunza nezvekuchikoro kuti kwaive sei,vakandikurudzira kushanda nesimba pane chipi nechipi chandaiita.Miss Marera aive munhu ane rudo hake mufunge,ndiye munhu ainyatsondipa rudo rwaamai rwese,ndaivaremekedza samai vangu.Takazotaura nyaya yekuchikoro ndichivaudza kuti hembe dzangu nemabhuku zvainge zvaparara mumoto wakapisa gota rangu asi vakandivimbisa kundipa mamwe mabhuku nekundibatsira nepavaigona napo.Vakazoti ngatipfugame

tinyengetere, munamato wavakaisa waive nesimba zvekuti ndakatanga kunzwa kumerera nekupindwa nechando, bvudzi rangu richiti nyau nyau. Uripo umwe munamato unokomborera zvaunonyatsonzwa wega pasina chiporofita. Takazoonekana hedu ivo vodzokera kuchikoro ini ndokusara ndichidya hangu michero yavanga vandivigira. Moyo wangu wakanyevenuka ndikatanga kuve nemamwe mafungiro mukati meupenyu hwangu. Ndakatanga kuona chiyedza, kuzaruka kwemasuwo ainge avharwa hawo nasatan. Ndakazviudza kuti handaizombobvuma kukundwa nerima kana kudzorera shure newakaipa. Zuva iri ndakazvipira kuzomira semurume, kurwisa chaiko semvumba uye ndakazviudza kuti hapana kusiri kufa uye kufa kwemurume kubuda ura. Ndakadzidza zvakare kuti mukurarama umu usateerere mashoko anotaurwa newakaipa kana kutanga wafunga kuti zvandadai izvi nhingi ahati kudii. Ndakazvipira kushanda nesimba ndigosandura hupenyu hwatairarama ini nagogo vangu. Ndaidawo kuti tigozoyemurwawo tisangove chiseko chenyika. Ndakatsidza kumirisana nemuvengi kusvika kumapena chaiko, it was game on abaiwa ngaabude chaiyo. Dzimwe nguva ukaregerera satan chinotokupinda mubhurugwa chaimo. Zvinonzi usadye uroyi nekunyara. Ndakazviudza kuti its enough now, ndaifanira kutoita mapitse nasatan wacho iyeye. Ndakadeedzera ipapo kuti, "No Weapon Formed Against Me Shall Prosper." Ndakanzwawo umwe murwere achideerawo kuti Amen ari muward makewo. Mukoti akazouya akandiudza kuti ndainge ndaakufanira hangu kuchienda kumba sezvo ndainge ndapora, hawaizombofunga kuti ndini munhu uya ainge apotswa nevivi remoto asi ndakabuda ndisina kana vanga haro, wenyasha ungamudii hako. Asi ndaida kuti ainge aita mabasa iwaya anzwewo kurwadza kwazvo, apa ndaitoda kutsiva chaiko kwenyama neropa. Ndakapinda munzira kunanga kumapurisa kunotsanangura zvole zvaendaive ndichiri kurangerira. Ndakanga ndazvipira kuita an eye for an eye chaiko, ndaitoda vengeance nekuti satan ukachisiya chinotozoreba muswe murefu refu sewechidembo. Manje apa ndaida kuudambura zvinorwadza futi ndakatsika musoro, ndakazviudza kuti chinouya chinoona ini. Pane zvese zvaendaionga ndakazviudza kuti gogo handaizombovudza kana chii zvacho nekuti vaizondirambidza. Dzose idzi dzaingove ndangariro mupfungwa dzangu ndichionga nekurongonora zano rangu. Chainyanya kundinetsa ndechekuti ndaizotangira papi uye sei, asi ndakazviudza kuti ndichatotsiva chete chero zvodii. Ndakasvika kumapurisa ndikatambirwa zvakanaka ndikagariswa pasi. Ndakarondedzera zvese magariro edu ese kubva kune zvaendaikaita zvekuudzwa nagogo ndisati ndakuziva. Ndakanzwa umwe mupurisa akuti "nyaya iri pachena iyi. Mai vava vatakauya navo vaitaurisa vane chekuita nekutsva kwemba yemujaya uyu. Plus kakuchenama kavo ndekukuvhara nyaya dzavo. Ukaona munhu achifarira kutaura achisungirira umwe munhu pamhosva ziva kuti something wrong. Vava varidzi vepinjisi vanogona vasina chavanoziva asi naivowo handivanzwisisi vakaita katsotsi futi". Ini ndakaramba ndakangonyarara ndaive ndapedza pangu. Mbuya mai Simba nambuya mai Munashe vakazonosheedzwa ndokuuya mandaive ndakagara. Mai Simba kana kumbosimudza musoro vaisada kutarisana neni kumeso vachitya zvavakauya vakada kundiuraya kuchipatara. Vakabvunzwa mai Munashe kana vaive nechavaiziva asi vakaramba. Mbuya mai Simba pane kuti vapindure vakatotanga kupopota vachitaura zvisina hunhu mberi kwemapurisa. Kwakangobva umwe mupurisa aive akamira kumusiwo akavapa chavhivhingwa chembama ndikapa kutenda. Akafamba akadzokera paaive akamira asina zvaambotaura hake ndokutotanga kubaya baya foni yake. Ndakanzwa tsitsi hangu ndakatanga kurangerira maroverwo avakamboitwa nemurume wavo paya pavakapotsa vasiya nyemba. Kungoti mbuya mai Simba kuvanzwira tsitsi kwaitoita like kurasa tsitsi dzako. Vaisabvuma kana kuteerera cheumwe ipapa vaifanira kungoti handizivi kana ndinoziva chete. Mbuya mai Munashe vaive vakubvunda kuita serutsanga rwuri mumvura. Umwe mupurisa akazviona achibva atona kuti uku ndiko kunogona kubva chokwadi chese. Akasvika achivazamudzira button stick yakachinjika musana vakativa

sedhongi rarohwa newire. Pakarepo vakati "mirai ndikuudzei chokwadi changu. Isu tese takadai tinoroya pamwe asi zvekupisira Tadiwa zvakarongwa namaiguru". Mupurisa uya akabvunza kuti varipi maiguru vacho asi mai Munashe vakatendeka mai Simba avo vaingopukuta muromo wavaive varohwa. "Okay ambuya ndimi makabatidza here kana kuti makatuma munhu" akadaro umwe mupurisa achivasvitsa button stick, inenge yaive vhura muromo maonero angu. Kune vakadzi mabhinya munyika vane utsinye hwenyoka chaihwo. Mbuya mai Simba vakauya kumba kwedu vakanyatsogara kusvika taenda kunorara. Ivo chinangwa chavo chaive chekutipisira tese nagogo asi manje moto weimba yangu wakakurumidza kunganduma ndizvo zvakaitsa kuti vatize vasati vapedza basa. Musanyeperwe kuti vapfumi ndivo vanovengwa zivai kuti umwe neumwe ane muvengi wake. Isu taitozvitamburira nagogo vangu zvekuti taidya zvekukumbira saka chinangwa apa nechaivavarirwa ndakachishaya. Mumwe munhu anongorwadziwa nekuona uchifamba so, anotosvipira paunenge watsika chaipo. Existence yako inenge ichitomudzimbira moyo kusvika pakufunga kukupfuudza chaiko, munhu anovenga chero nehuku kana dhongi rekumba kwenyu. Vakatombozvunzwa kuti daka racho raive pai asi mhinduro yakati tsvikiti hatina kuinzwa isu. Gogo vakazosvika ndokunditora voenda neni kumba. Mai Munashe vakasara, paida kumboitwa dzimwe tsvakurudzo, ava mai Simba paive pasina imwe nzira handiti vaive vabvuma mhosva dzavo. Jaya rakaita seni ndaive ndakugara muimba imwe chete nagogo. Paive pangosara imba yagogoka nekatsaka kedu kekubikira. Ndakawana kumba kune hembe nemachira zvaive zvabva kune vemoyo chena ndaizowanawo pekutangira. Mateacher mazhinji akazouya kumba kuzondiona iri friday vakafara kundiona ndisina kukuvara. Vaingondikurudzira kuti ndigare ndichienda kunoongororwa chipfuva changu kuitira maziutsi andaive ndakamba. Vakauya vakabatawo zvekuratidza chido chaizvo zvekuti ndakashaya mashoko akaringanirana ekuti ndivatende nawo. Nguva yakafamba ndaive ndasimba ndikatanga kuenda kuchikoro nevamwe. Mai Munashe vaive vadzoka kumba vakawanikwa vasina mhosva asi mbuya mai Simba vakanga vanzi 6 months imprisonment kana \$600 fine vobudiswa. Taingovaona vakadzinyina vavo vachidzika nekukwidza vanenge vaitsvaka mari yacho. Vaigorega sei ivo leader vaive vasipo plus vanenge ivo vaiteacher uroyi. Vana mainini vavo vaiva bvunda zvekuratidza kuti munhu akarema. Rimwe zuva ndakatogara pamba iri Saturday ndakashamisika ndichiona vanhu vaviri vaifambisa apa vaitaura vachirasa rasa maoko zvekuratidza kuti pane nyaya yavaitaura yaive yakadzama uye yairatidza kuvashungurudza. Ndakanyatsoti ziso weee ndikadzungudza hangu musoro wangu. Ndakangoti, What Now.....

End of Chapter 13..

****Sorry guys nekunonoka kuunza maChapters, pane zvinenge zvichiitika****

****Thanks For Your Patience****